

輶軒使者絕代語釋別國方言箋疏

輜軒使

釋別國方言箋疏卷第六

嘉定錢 繹撰集

仁和王文韶校刊

聳獎欲也

注

皆強欲也荆吳之間曰聳晉趙曰獎自

關而西秦晉之間相勸曰聳或曰獎中心不欲而

由旁人之勸語亦曰聳凡相被飾亦曰獎

音義

聳

項

箋疏

眾經音義卷十五云聳古文竦雙慙三形

反以忠聳之以行漢書刑法志作慙顏師古注慙謂

獎也慙古竦字又揚子雲傳注云聳勸也案聳之

以行謂舉善行以獎勵之猶楚語云教之春秋而

爲之聳善而抑惡焉以戒勸其心故韋曜注云聳
獎也杜預注訓聳爲懼非其義矣揚子雲長楊賦
整與竦戎李善注竦與聳古字通說文獎勝大厲

之也小爾雅獎率勸勵也謝朓齊敬后哀策文云末命是獎李善注云謂顧命令祔也是相勸曰聾亦曰獎也下卷十云食閭慙慙勸也南楚凡己不欲善而旁人說之不欲怒而旁人怒之謂之食閭或謂之慙慙漢書衡山王傳云日夜縱吏王謀反事顏師古注云縱與謂獎勵也史記作從容汲黯傳慙諛承意並與慙慙同單言之則為聾矣文選盧諶贈劉琨詩云飾獎駕猥中心不欲而由旁人勸語亦曰聾相被飾亦曰獎也盧氏云以我所欲強人之我從則曰聾或曰獎今人語猶然是注意也正文獎舊本並作股或作將亦作將皆形近之訛音山頂反舊本訛作出頂也今並訂正

聾聾也半聾梁益之間謂之聾

注

言胎聾煩憤也

秦晉之間聽而不聰聞而不達謂之聾生而聾陳

楚江淮之間謂之聾

注

言無所聞常聾耳也荆揚

之間及山之東西雙聾者謂之聾聾之甚者秦晉

之間謂之聵

聵

言聵無所聞知也外傳聵聵司火

吳楚之外郊凡無耳者亦謂之聵其聵言者若秦

晉中土謂墮耳者聵也

聵

聵音宰聵五刮反

聵

聵

李善注文選七命引倉頡篇聵耳不聞也說文

聵也聵語云聵聵不可使聽案上文並說諸疾是

聵聵為不能聽之疾韋曜注以為耳不別五聲之

和為聵非其義矣耳不能聽謂之聵因而耳不聽

五聲之和亦謂之聵信二十四年左傳富辰所言

是也說文生而聵曰聵與聵同馬融廣成頌云

子野聽聵離朱目眩漢繁陽令楊君碑云有司聵

昧莫能識察說文云梁益之間謂聵為聵秦晉聵

而不聰聞而不達謂之聵廣雅聵聵聵也玉篇

引文云聵半聵也說文云吳楚之外凡無耳者謂

之聵又云聵目不相視也衆經音義卷一引廣蒼

云聵目少精也無耳謂之聵猶目不相視謂之聵

也下卷十云聵脫也聵與墮同說文明聵耳也聵

方言箋疏

卷六

二

紅螺山房校本

耳謂之明猶斷足謂之明說文明明斷足也明聲與
明相近正文素晉之間謂之明廣韻引文作聯凡
無耳者一本無下誤衍有字今依說文玉篇刪其
言聯者盧從宋本作聯案聯王篇音苦圭切耳不
相聽也與聯音義並相近今從舊本注言聯無所
聞知也者說文聯無知意也讀若擊玉篇牛乙丑
滑二切宋本聯誤作耻李文授本正德本並作聯
一本無聯字一本本作言聯額無所聞知也說文聯
聾也五怪切或从聾作聾聾經音義卷一云聾聾
古文類聾二形今作聾又作聾聾牛快反聾作聾猶
聾作聾皆俗寫耳聾與聾同聾字注聾
聾司火晉語文宋本作伺火誤今訂正

陂係表也陳楚荆楊曰陂白山而西凡物細大不絕

者謂之係

言

俄係也

音義

陂偏頗
係道遠

表也

廣雅陂
秦

九三无平不陂樂記商亂則陂虞鄭注並云陂傾
也爾雅陂者阪郭注云陂陀不平漢書司馬相如
傳罷池陂陀下屬江河郭注云言旁類也詩序云
無險詖私謁之心崔靈恩注云險詖不正也孟子

公孫丑篇設辭知其所蔽趙岐注人有險設之言
引事以褒人說文設古文以爲顛字頗頭偏也廣
雅彼褒也玉篇彼音波髮切廣韻又音彼引埤倉
云彼邪也又引論語子西彼哉今本作彼馬融注
云彼哉彼哉又引論語子西彼哉今本作彼馬融注
懷祖曰彼讀偏彼之彼於義爲長廣韻所引異義王氏
鄭王虞諸人義也彼讀頗彼並字異義同下卷十
云遙遙也遙廣雅作遙遙與遙遙與遙字並通義
與褒亦相近遙說文又作遙云自關以西凡物大
小不同謂之信信與遙同初學記引韓詩章句云
有章句曰歌無章句曰謠無章句言長短高下之
不齊也歌高下不齊謂之謠猶物大小不純謂之
遙矣注俄搖俗本脫俄字宋本說作姚按說文俄
行頃也行字疑衍廣雅俄衰也小雅賓之初筵篇
側弁之俄鄭箋俄傾貌張衡歸田賦曜靈俄景李
善注俄斜也俄遙同義故云言俄遙也姚訓爲好
非其義矣
今訂正

由迪正也東齊青徐之間相正謂之由迪

箋疏

下文

輔也注云胥相也由正皆謂輔持也輔持即相正之意王氏伯申經傳釋詞曰洛誥四方迪亂未定于宗禮亦未克敕公功迪將其後當以四方迪亂未定未定為句于宗禮亦未克敕為句公功迪將其後為句爾雅亂治也方言迪迪正也四方迪亂猶微子篇言亂正四方也于越也言四方正治未定越宗禮亦未克安也公功迪將其後者上文曰公功發句迪篤下文曰公功肅將祇歡與此同以公功發句此文之相符者也上文公功言業迪下文公功言肅將此公功言迪將此義之相合者也舊讀失之是迪為正也漢書揚子雲傳云蠢迪檢押顏師古注云迪與由同義合言之則曰由迪玉篇云青州之間相正謂之迪義

本此誤脫由字耳

懽懽也荆揚青徐之間曰懽若梁益秦晉之間言

心內懽矣山之東西自愧曰懽

懽

小爾雅曰心愧

為懽趙魏之間謂之恥

音義

懽音腆懽人力反又女六反恥音密亦祕

人相難謂之展若秦晉之言相憚矣齊魯曰憚

難而雄也

音義

審音寒憚

義疏

舊本審並作寒

字集韻始有之衆經音義卷七卷九卷十九卷二
十二並引方言作審今據以訂正說文寒蹠也蹠
彖傳序卦傳並引蹠蹠也衆經音義卷一引通俗文云
也說文吃言蹠蹠也衆經音義卷一引通俗文云
言不通利曰蹠蹠吃列子力命篇云蹠極凌悴張湛
注云蹠極納還之貌蹠蹠古今字蹠俗字蹠壞字
展與蹠聲相近故二字義亦相同矣廣雅蹠蹠展
難也說文憚忌難也一日難也屯釋文引賈逵周
語注云難畏憚也學而篇過則勿憚改鄭注憚難
也楚詞離騷豈余身之憚殃兮王逸注同荆吳之
人相難謂之展若秦晉言相憚者此又一義也難
當讀如患難之難卽說文憚一曰難也之義也昭
十三年左氏傳云憚之以威魯語云師大讐以憚
小國韋曜注憚難也張衡西京賦驚蜩蝻憚蛟蛇
通作壇周官大司馬暴內陵外則壇之鄭衆云壇
讀憚之以威之憚說文憚炊也引昭二十年左氏

傳曰燁之以薪魯語云大無災燁韋曜注燁起貌義與難亦相近注難而雄也各本並同未詳所謂疑有脫誤

胥由輔也

注

胥相也由正皆謂輔持也吳越曰胥燕

之北鄙曰由

義疏

廣雅由胥輔助也春秋桓三年齊侯衛侯胥命于蒲公羊傳云

胥命者何相命也胥與疏輔與附古並同聲胥輔猶疏附大雅綿葛云予曰有疏附上文云由迪正也東齊青徐之間相正謂之由迪由通作繇亦作猷爾雅繇道也卷三云猷道也爾雅道助勳也義並相通也

蚤怙戰慄也荆吳曰蚤怙蚤怙又恐也

音義

恐怙鞏恭兩音

義疏

論語入佾篇使民戰栗栗與慄同單言之則曰戰曰慄廣雅釋言戰慄也白虎通誅伐篇

引書大傳云戰者憚警之也淮南原道訓云子夏心戰而懼史記齊悼惠世家云因退立股戰而栗

方言箋疏

卷六

五

紅蝠山房校本

鑢錘重也東齊之間曰鑢宋魯曰錘音義

鍾直睡反

箋疏

廣雅鎮重也鎮本亦作膜衆經音義卷十三
引方言云膜重也東齊之間謂之膜下卷十

箋疏 廣雅鎮重也鎮本亦作腆衆經音義卷十三
引方言云腆重也東齊之間謂之腆下卷十
三云腆厚也昭二十五年公羊傳云寡人有不腆
先君之服何休注同說文重厚也是厚與重同義
釋名云鍾謂之權廣雅權鍾重也鍾訓爲重
猶權之訓爲重矣鍾之言垂也下垂故重也

鉛龕受也注今云龕囊依此名也齊楚曰鉛楊越曰

龕受盛也猶秦晉言容盛也音義含銘音疏廣雅

龕受盛也玉篇鉛受也鉛之言含也釋名含合也合口亭之也通作函曲禮云席間函丈鄭注函猶容也函與鉛聲近義同玉篇龕受也盛也逸周書祭公解云周克龕紹成康之業言能受成康之業而紹之也爾雅洵龕也世父詹事君曰龕與堪通洵本訓信也爾雅洵龕也世父詹事君曰龕與堪通攻篇云夏德大亂予既卒其命於天矣往而誅之必使汝堪之堪之即上文云用受天之天命也藝文類聚引作戡王氏懷祖云凡言堪受者即是容盛之義昭二十一年左氏傳云鐘寗則不咸振則不容今鐘櫬矣王心弗堪是也漢書五行志作戎孟康注戎古堪字堪戡戎聲義並同舊本並作龕盧本改作龕龕龕古今字今從衆家本受猶容也說文盛柔稷在器中以祀者也盛與容同義故言矣容盛

瞿 瞿轉目也梁益之間瞿目曰瞿轉目顧視亦曰瞿

吳楚曰瞿

音義

瞿音慣習

箋疏

玉篇瞿光旦切瞿

云轉目視也說文瞿張目也瞿目多精也益州謂

瞿目曰瞿吳楚謂瞿目顧視曰瞿劉歆遂初賦云

空下時而瞿世今自命己之取患盧氏文昭云音

徒侗當依卷十二內音挺桐漢書百官公卿表云

更名家馬為桐馬晉灼曰桐音挺桐顏氏家訓勉

學篇引漢禮樂志云給太官桐馬酒李奇注以馬

乳為酒也撞桐乃成案盧說誠是然卷十二內桐

字上即侗字音他動反下桐字音挺桐用从手之

字所以避重出也又卷九小

也淮南傲真訓云揮揅挺桐

聲無定字不

必概從畫一

連騷 連騷蹇也

注

跛者行蹠蹠也吳楚偏蹇曰騷齊楚

晉曰連

注

行略蹠也

音義

連勅略反

箋疏

說文蹇

嘶噓噎也

注

皆謂咽痛也楚曰癰秦晉或曰噎又曰

讀音義

介音斯 反音斯 噎音翳

筵疏

說文噎飢塞也魚經音義卷二十二引

通俗文云喉塞曰噎王風黍離篇中心如噎毛傳云謂噎憂不能息也玉篇引詩用毛傳爲釋劉氏台拱曰噎憂雙聲憂卽老子終日號而不噎之噎氣逆也說文歌噎也歌噎卽噎憂是噎爲咽喉蔽塞之名也下文云癰散也東齊聲散曰癰秦晉聲變曰癰玉篇嘶噎也周官內饗云鳥臠色而沙鳴鄭注云沙嘶也內則注作嘶正義作斯云斯謂酸嘶漢書王莽傳莽爲人大聲而嘶顏師古注云嘶聲破也說文誓悲聲也嘶嘶嘶斯誓聲同義並相近說文噎咽也伊昔切籀文作𦣻上象口下象頭脈理也釋名咽咽物也又謂之噎氣所流通阮要也噎噎咽並聲之轉也昭十九年穀梁傳云噎不客粒北山經單張之山有鳥焉名曰白鵠食之已噎痛郭注噎咽也今吳人呼咽爲噎音隘莊子大宗師篇云屈服者其隘言若哇又庚桑楚篇云兒子終日嗥而噎不噎通作喝說文喝敵也音於介切文選宋孝武宣貴妃諫李善注引廣雅喝噎也玉篇喝嘶聲也又作噎同云噎噎也司馬相如子虛賦榜人歌聲流喝郭注云言悲嘶也論衡氣壽篇云生兒號號之聲鴻朗高暢者壽嘶喝涇下者

天後漢書張酺傳云王青破矢貫咽音聲流喝李
賢注云流或作嘶又引廣蒼云喝聲之幽也噏喝
噏字異義同咽謂之噏咽痛亦謂之噏皆義相因也
室謂之噏咽痛亦謂之噏皆義相因也

怠陲壞也

注

謂壞落也

音義

陲音

疏

廣雅殆壞也
殆與怠聲義

並同卷十三云櫬陲壞也壞謂之櫬亦謂之陲猶
怠謂之櫬亦謂之惰也說文陲小崩也丈爾切廣
雅陲陲壞也陲陲古今字周語云聚不陲崩李賢
注後漢書蔡邕傳引賈逵注云小崩曰陲太元銳
上九陵崢岸峭陲測曰陵崢峭銳極必崩也張
衡西京賦云期不陲陲李善注引此文淮南繆桴
訓云岸峭者必陲劉昌考工記音讀陲為陲魯語
文公欲弛孟子之宅韋曜注云弛毀也弛與陲
亦聲近義同陲戴本改作陲今從舊本又音蟲豸
下宋本俗本有未曉亦云未詳二字今從戴盧本
刪

埋墊下也凡柱而下曰埋屋而下曰墊

音義

埋音涅
墊丁念

反

疏

廣雅埋下也說文涅黑土在水中也涅埋

都念切竅丁念切云或為塾埵下也竅屋傾下也玉篇塾

十三云埵下也注音玷肆謂陷下也廣雅埵下也

曹憲音乃煩反塾竅埵字異義同皋陶謨下民昏

塾鄭注昏沒也塾陷也莊子外物篇厠足而塾之

至黃泉司馬彪注云塾下也下謂之塾因而屋傾

下謂之塾亦謂之竅屋傾下謂之塾因而居下地

病困者亦謂之塾成六年左氏傳云郇瑕氏土薄

水淺其惡易觀易觀則民愁民愁則塾隘於是乎

有沈溺重腿之疾中山經云首山其陰

有谷曰机谷多馱鳥食之已塾皆是也

邈離也**注**謂乖離也楚謂之越或謂之遠吳越曰

邈

音義

箋疏

玉篇邈離也引博雅斷也音武

音亡粉反又云邈離遠也邈音勿玉篇同又音忽

楚辭九歌云平原忽兮路超遠荀子賦篇云忽兮

其極之遠也邈忽並與邈通廣雅邈遠也楚辭九

章云邈而不可慕又離騷云神高馳之邈邈王逸

注邈邈遠也越與遠語之轉耳襄十四年左氏傳越在他竟杜預注越遠也周語云聽聲越遠淮南似真訓云是故神越者其言華高誘注越散也散與離義相近繫辭云襍而不越說文引作越玉篇述散走也胡厥切越與越通廣雅離遠也散也釋名云出之子曰離孫言遠離己也

顛頂上也

說文

爾雅說文並云顛頂也郭注云頭上

髮顛顛說文榱木頂也榱與顛聲義並同顛為最上之稱倒言之下亦謂之顛太元疑次入云顛疑遇幹容范望注云顛下也下謂之顛自上而下亦謂之顛顛六四顛顛吉王弼注云以上養下得顛之義故曰顛顛吉也楚辭離騷云厥首用夫顛隕王逸注云自上而下曰顛皆是也頂顛一聲之轉說文頂顛也或从首作頂籀文从鼎作顛衆經音義卷三引蒼頡篇同廣雅頂上也大過云過涉滅頂

誣譏与也吳越曰誣荆齊曰譏与猶秦晉言阿与

說文

方言箋疏

卷六

九

紅螺山房校本

相阿与者所以致誣諛也

音義

諛乙

義疏

說文与

一与爲与與黨與也古文作𠂔此蓋借与爲與耳
廣雅舊本作誣諛予也疏證據衆經音義予下補
與字說文誣加也加語相謂加也謂與增同語相
增加是無實而虛加即誣之意也表記云受祿不
誣鄭注云於事不信曰誣卷十云囁呶譟譟也
拏揚州會稽之語也或謂之諛注云拏言諛拏也
諛言誣諛也說文掩誣拏也拏牽引也掩與訛聲
義並同集韻諛謗也誣諛舊本作誣諛今據廣雅
訂正与各本並同戴本改作與今從
舊本玉篇諛匿也阿與諛一聲之轉

掩索取也自關而東曰掩自關而西曰索或曰狙

狙

狙伺也

義疏

說文掩斂也小上曰掩曲禮大夫不

姦成富顏師古注云掩謂襲取人物也說文作揜
云自關以東謂取曰掩司馬相如子虛賦揜翡翠
上林賦揜與掩通說文索入家技也廣雅索取也經

傳通作索說文狙獲屬一曰狙犬也暫齧人者李
善注潘岳西征賦引倉頡篇云狙司候也衆經音
義卷十引通俗文云伏伺曰狙史記張良世家秦
皇帝東游良與客狙擊秦皇帝博浪沙中集解引
服虔曰狙伺候也七預反徐廣同干恕反索隱引
應劭云狙伺也一云狙伏伺也謂狙之伺物必伏
而候之故今云狙候是也是狙爲狙伺而取之也
周官序官蜡氏注云蜡讀如狙司之狙釋文蜡清
預反郊特牲云蜡也者索也合聚萬物而索饗之
也蔡邕獨斷云蜡之言索也祭日索此八神而祭
之也蜡與狙聲同義近故鄭君讀從之卷十云狙
狙取也南楚之間凡取物溝泥中謂之狙或謂之
狙狙音狙黎狙灰加反說文狙挹也獻又取也釋
名狙義也五指俱往又取也今俗猶謂五指取物
曰狙聲如渣張衡西京賦云狙狒狒貳後薛綜
注云狙批皆謂戟撮之狙狙獻與狙聲義亦相近
狙俗本誤作狙并脫注文永樂大典本又誤作但
注同盧氏據宋本訂正戴氏改正文作狙又改注
狙伺也三字爲音狙黎
則與卷十內重出非是

睽略視也東齊曰睽吳楊曰略目今中國亦云目略

也凡以目相戲曰睽音睽睽烏拔反目廣雅睽

篇烏澗烏殄二切前卷二云略眊也吳楊江淮之

間或曰略廣雅略視也玉篇來各來灼二切云眊

也宋玉神女賦云目略微眊略與略通注目略二

字或闕或訛作睽略今據宋本訂正凡以目相戲

曰睽此又一義也說文睽目戲也詩曰睽婉之求

李善注張衡西京賦引韓詩作燕婉薛君章句云

好貌今邶風新臺篇作燕婉毛傳云安也蓋齊魯

詩說也目戲謂之睽猶耳戲謂之睽也玉篇睽耳

戲也音烏鴈切睽與睽聲同微轉耳

遙廣遠也梁楚曰遙目廣雅遙遠也楚辭招魂倚

同遙遠語之轉耳重言之則曰遙遙廣雅遙遙遠

也昭二十五年左氏傳云遠哉遙遙小爾雅云廣

遠也廣之言曠也荀子解蔽篇則廣焉能弁之矣

楊倞注廣讀爲曠遠也漢書五行志師出過時茲

為廣李奇音曠趙策云曠遠於趙而近於大國陸
機五等論云先王知帝業至重天下至曠盧諶贈
劉琨詩苟非異德曠世同流李善
注並引廣雅曠遠也曠與廣通

汨遙疾行也注汨汨急貌也南楚之外曰汨或曰遙

音義

汨汨反

說文

說文汨治水也汨汨水流也汨汨聲

傳通作汨汨假借字也廣韻汨又作汨非是廣雅汨
疾也漢書禮樂志云卉汨臚顏師古注卉汨疾意
也莊子達生篇與齊俱入與汨偕出郭象注云摩
湧而旋出者齊也同伏而湧出者汨也司馬彪云
汨涌波也楚辭離騷汨余若將不及兮王逸注汨
去貌疾若水流也重言之則曰汨汨廣雅汨汨流
也淮南原道訓混混汨汨義亦同也遙通作搖廣
雅搖疾也卷二云搖扇疾也燕之外鄙朝鮮洌水
之間曰搖扇楚辭九章云願搖起而橫奔王延壽
夢賦云羣行而奮搖忽來到吾前玉篇遙疾行也
以周切又音遙遙同上廣韻遙疾行也
與遙同音又音由或作繇並字異義同

蹇如擾也

注

謂躁擾也人不靜曰如秦晉曰蹇齊宋

曰如

音義

如音

箋疏

說文擾煩也蹇蹇也吳楚偏蹇曰騷齊

晉曰連注云跛者行蹠蹠也卷二云連驚也自關

而西秦晉之間凡蹇者或謂之連體偏長短亦謂

之連注云行略連也李善注木華海賦云蹠蹠波

前卻之貌又注嵇康琴賦引廣雅蹠蹠不定亦無常

注陸機文賦云今人以不定為蹠蹠不定亦無常

也又引莊子秋水篇夔謂蚘曰吾以一足跼蹠而

行釋之曰謂腳長短也皆躁擾不靜之意也爾雅

如動也小雅鼓鐘篇憂心且如毛傳同釋文音勅

留反云徐又直留反郭音爾雅盧叔反又音迪說

文如腹也曹憲音抽楚辭九章有抽思篇如抽並與

如通注躁擾說文躁操也故云謂躁擾也擾擾古

結挈僂

注

古僂字介特也楚曰僂晉曰結秦曰挈物

無耦曰特獸無耦曰介注傳曰逢澤有介廉音廉

絳音乘羣說文絳繭時繭絲成結有所絳礙女工

口八反羣謂繭時繭絲成結有所絳礙女工

蠶功畢後別理之為用也按別理之是特之義也

廣雅絳挈特獨也絳曹憲音古乖反說文絜麻一

絜也又人部係字注云絜束也是一端猶一束也

絜與挈聲近義同衆經音義卷一云絜古文絜傑

二形傑即僕之訛洪範云無虐絜獨孟子梁惠王

篇作絜獨唐風杜篇獨行絜絜周頌閔子小子

嬭嬭在疾漢書匡衡傳引作絜絜哀十六年左氏

傳絜絜余在疾說文及周官大祝注引並作懷懷

說文趨獨行也讀若絜絜嬭嬭絜絜懷趨古字並

通廣雅介獨也玉篇集韻類篇引並作介介與介

同昭十四年左氏傳云收介特杜預注云介特單

身民也史記張耳陳餘傳獨介介居河北集解引臣

瓚曰介特也楚辭九思哀我介介特王逸注介特獨

也張衡思元賦子不羣而介介立舊注介特也馬融

廣成頌云蔡淫侈之華譽顧介介特之實功按介特

皆獨也介特之功猶言獨有之功也李賢注云介

特謂孤介特立也失之介經傳通作个秦誓若有
一介臣釋文介本作个左氏傳或云一介行李或
云一个行李皆是也戴侗六書故引唐本說文箇
或作个半竹也一竹兩分之則爲二个故月令云
左个右个是个亦特也物無耦曰特獸無耦曰介
者玉篇引作畜無偶曰介偶與耦同說文特特牛
也段氏玉裁云特本訓牡陽數奇故爲凡單獨之
稱一與一爲耦故實維我特求爾新特毛傳並云
特匹也士昏禮其實特豚鄭注特猶一也晉語子
爲我具特羊之饗韋曜注特一也凡牲一爲特二
爲牢是物無耦爲特也哀十四年左氏
傳云逢澤有介麋馬是獸無耦爲介也

飛鳥曰雙鴈曰燕

雙疏

說文雙佳二枚也又云雙鳥
一說文雙佳二枚也又云雙鳥

二佳曰雙襄二十八年左氏傳公膳日雙雞宜五
年公羊傳其諸爲其雙雙而俱至者與何休注云
言其雙行匹至似於鳥獸棄隸變作乘揚子解嘲
云乘鴈集不爲之多雙鳬飛不爲之少李善注引
方言作四鴈曰乘周官校人乘馬鄭注云二耦爲
乘凡經言乘禽乘矢乘壺乘韋之屬義與此同是

乘不專屬之馬也前卷二云膝雙也南楚江淮之
間曰膝音膝月令累牛騰馬鄭注云累騰皆乘匹
之名乘膝騰聲義並相近此二句俗本及戴本並
合上註挈儉介特也為一條不提行今從宋本提
行

台既失也宋魯之間曰台

箋疏

廣雅台失也曹憲音

駘與台聲義相近廣雅既失也莊子應帝王篇云
吾與女既其文未既其實按未既其實猶言不失
其實也與下文立未定自失而走正相對李頤訓
既為盡非其義矣宋魯舊本並同惟盧本作魯宋
蓋誤

既隱據定也

箋疏

既猶已也凡已然者皆定之意也

子公孫丑篇隱几而臥說文雪所依據也讀與隱
同雪與隱通釋名據居也僖五年左氏傳云神必
據我皆定之意也

稟浚敬也秦晉之間曰稟齊曰浚吳楚之間自敬曰

稟
箋疏

稟本或作懷衆經音義卷十引方言懷敬也廣雅同曹憲音力甚反荀子議兵篇云

臣下懷然莫必其命楊倞注懷然慄栗之貌懷與

稟同廣雅浚敬也浚猶浚也史記李將軍傳云

浚浚如鄙人口不能道辭浚與浚同皋陶謨夙夜

浚明有家史記夏本紀作蚤夜邛明有家漢書禮

樂志郊祀歌云共邛邛合所思顏師古

注邛邛敬也邛與浚同義是浚爲敬也

浚懌改也自山而東或曰浚或曰懌**注**論語曰悅而

不懌

音義

浚音銓
懌音奕

箋疏

廣雅浚改更也秦誓惟受罔有浚心成十三年左氏

傳康猶不浚襄四年又云羿猶不浚某氏傳杜預

注並云浚改也廣雅懌更也更與改同義小雅頍

弁篇云既見君子庶幾說懌鄭箋云言我已得見

幽王諫正之則庶幾其變改意解懌也按經文說

懌與論語悅懌同箋云庶幾其變改意解懌也者

倒文耳猶言王庶幾其喜說而變改也注悅而不

釋子罕篇文今本作說
釋說釋悅釋古今字

坻坦場也梁宋之間蚍蜉犂鼠之場謂之坻

蚍鼠也蟪蛄謂之坻

坻水坻坻坻音引

又恐雄為太元經由鼠坻之與牛場也卷十一云

蚍蜉其場謂之坻或謂之坻廣雅坻坻場也場場

古今字潘岳藉田賦云坻場梁履李善注引此文

云浮壤之名也音傷亦作壤隱三年穀梁傳疏云

壤字為穀梁音者皆為傷徐邈亦作場廉信云齊

魯之間謂盤地出土鼠作穴出土皆日壤壤與場

字異聲義並同說文坻小渚也或从水从久作泓

王氏懷祖云天將雨則蟻聚土為封以禦溼為水

中之坻故謂之坻秦風蒹葭篇云宛在水中央坻是

也釋按蟻卵嘗襍坻中因而蟻卵亦謂之坻爾雅

蚍蜉其子蚍郭注云蚍蜉卵也是也蚍蜉說詳卷

十一注犂鼠蚍鼠也者說文犂耕也鼯地中行鼠

紅蝠山房校本

伯勞所化也一日偃鼠或从虫分作𧈧爾雅𧈧鼠
郭注云地中行者此鼠田鼠之類亦飛鳥所化生
於田中穴地而行起土成封若蚍蜉蝼蛄然故同名
為蝼蛄廣雅𧈧鼠𧈧鼠周官草人墳壤用麋鄭注故
書墳作盆鄭衆云墳壤多盆鼠也莊子逍遙遊篇
云偃鼠飲河不過滿腹名醫別錄𧈧鼠在地中行
陶注云一名隱鼠一名𧈧鼠常穿地中行蘇頌本
草圖經云卽化為鴛鴦者也是此鼠為伯勞所化後
又化為鴛鴦以其常行地中故謂之隱鼠亦謂之偃
鼠偃與𧈧通皆隱聲之轉也又以起土上出故亦
謂之𧈧鼠爾雅疏云謂起土若耕因名云是也𧈧
舊本並訛作𧈧爾雅釋文正義及玉篇所引並作
犁𧈧犁古今字說文蝗𧈧也𧈧側行者或从引作
𧈧考工記梓人卻行𧈧行鄭注云卻行𧈧之屬
𧈧行蟹屬兩家異說按𧈧𧈧實卻行鄭說為長劉
昌宗云𧈧𧈧或作𧈧今曲𧈧也爾雅蝗𧈧𧈧皆聲
郭注云𧈧𧈧也江東呼寒𧈧𧈧𧈧𧈧𧈧𧈧皆聲
之轉也𧈧與𧈧同崔豹古今注云𧈧𧈧𧈧一名𧈧𧈧
善長吟於地中江東謂之歌女或謂之鳴𧈧𧈧與
𧈧亦同又轉而為𧈧𧈧為𧈧𧈧忍高誘注淮南時則

訓云蚯蚓蠶蟻也說文云益州部謂蟻場曰坵此
云梁宋疑梁益之訛按蚯蚓食槁壤其糞嘗出土
上故謂之坵猶石上有土謂之蛆也說文蛆石戴
土也引周南卷耳篇曰陟彼蛆矣毛傳云石上戴
土曰蛆是也注其糞曰
蛆今醫方謂之蛆樓是

徙用行也

注

徙借行貌朝鮮冽水之間或曰徙

音義

徙度

箋疏

說文徙徙行貌也是支切廣雅徙行也
曹憲音直駭反又仕紙反廣韻徙行兒

指反

徙通作徙徙荀子修身篇難進曰徙爾雅徙徙安

也孫炎注

徙徙楚辭七諫西施徙徙而不得見王逸注引

人提提

詩作提提提檀弓篇吉事欲其折折爾鄭注折折安

舒貌引詩

曰好或曰徙下注徙借行貌者卷二注

二凡細而

有容或曰徙下注徙借行貌者卷二注

云言徙借

也廣韻徘徊行惡也徙借舊本作皆戴

本改作徙

徙音度指反舊本指誤作措宋本作指

能行者謂

之器能行道而弗能言者謂之用是用

也為行

鋪頒索也東齊曰鋪頒猶秦晉言抖藪也注謂斗藪

舉索物也

音義

鋪音

箋疏

上文索取也自關而西

言布班也張衡東京賦云布教頒常皆徧賦與之

義與取正相反然則鋪頒之為索猶治謂之亂香

謂之臭賦之為予授也晉語云賦職任功韋曜注

云賦授也呂氏春秋分職篇云出高庫之兵以賦

民高誘注云賦予也皆是也抖藪疊韻字衆經音

義卷十四引通俗文斗藪謂之繫繫難字云斗

繫繫也江南言斗藪北人言繫繫律文作斗揀

形引此注文云斗藪舉也又卷十八引作舉之也

傲即擻之訛玉篇抖擻起物也疏云何休注云無

三十一加功日激去垢日浣齊人語也疏云謂但用手

矣又取其斗激耳若以里語曰斗激也內則云冠

帶垢和灰請激衣裳垢和灰請澣鄭注云手曰澣

足曰澣斗擻抖揀斗激並與抖藪同與搜索義相

近

參蠡分也

注

謂分割也齊曰參楚曰蠡秦晉曰離

音

義

蠡音麗

等疏

廣雅參分也參者間厠之名出禮云離坐離立母往參焉王粲登樓賦云

夜參半而不寐兮高誘注呂氏春秋愛士篇云兩馬在邊日駢駢與參聲同義近玉篇蠡蠡行列貌薄之而欲破也通作割據卷十三云割解也廣雅同荀子彊國篇云割盤孟刎牛馬楊倬注割割也又賦篇云據兮其相逐而反也注云據與割同據兮分判貌離猶蠡也卷七云斯離也廣雅離斯分也士冠禮離肺實于鼎鄭注離割也列子仲尼篇形名離也張湛注云離猶分也

嘶披散也東齊聲散曰嘶器破曰披秦晉聲變曰嘶

器破而不殊亦其音謂之嘶器破而未離謂之豐

南楚之間謂之敗

音義

豐音問敗妨美反一音圯塞

等疏

說文

離也散雜肉也散飛散也經傳通作散即散之隸
變字說文斯散聲衆經音義卷十四引方言甄聲
散也又卷二引埤蒼同集韻引字林甄囊破也宋
本作斯史記河渠書乃斯二渠以引其河集解引
漢書音義云斯分也卷七又云斯離也齊陳曰斯
陳風墓門篇斧以斯之毛傳斯析也大雅板篇無
獨斯畏鄭箋斯離也春秋繁露露斯析也大雅板
人倫而靡斯財用也漢書王莽傳云莽爲人大亂
而嘶顏師古注嘶聲散也王逸注楚辭九歌云嘶
解冰也嘶髮斯嘶嘶聲同義並相近是凡言嘶者
皆破散之意也說文披從旁持曰披又曰披析也
廣雅披散也成十八年左氏傳云今將崇諸侯之
姦而披其地杜預注云披猶分也昭五年又云又
披其邑注云披析也史記魏其武安傳云此所謂
枝大於本脰大於股不析必披經傳皆借披爲披
此亦同廣雅壘裂也衆經音義卷十引通俗文凡
病而壘壘而聲散曰髮周官太卜掌三兆之灋一
曰玉兆二曰瓦兆三曰原兆鄭注云壘玉之坼也素
原之壘坼是用名之馬沈重注云壘玉之坼也素
問六元正紀大論篇云厥陰所至爲風府爲壘啟

王冰注云瑩微裂也啟開坼也今人猶名器微裂
為瑩是古之遺語也瑩即聲之異文亦作聲衆經
音義卷一云聲瑕隙也器破而未離謂之聲取牲
血以塗器之罅隙亦謂之聲說文聲血祭也孟子
梁惠王篇將以聲鐘趙岐注云新鑄鐘殺牲以血
塗其聲郊因以祭之曰聲漢書高帝紀聲鼓應劭
曰聲祭也殺牲以血塗鼓聲呼為聲呼同罅按凡
言聲廟聲鐘聲鼓聲寶鐘寶器聲聲聲聲樂聲宗廟名
器皆同以血塗之因薦而祭之也樂記又作鮮俗
字注音問今俗尚有打破砂盆聲到底之語正讀
如問虛振切廣韻五旨吹與圯同紐引方言云器
破而未離南楚之間謂之吹又匹支芳郎二切又
五支破與鉞同紐云器破而未離又皮美切玉篇
破器破也音披是破即吹之異文說文叱聲裂也
聲殘帛也是叱為殘帛裂也急就篇叱徹囊囊不
值錢叱與敗聲同義亦相近音內圯字俗本誤作
把今據宋本及廣韻引訂正

緡縣施也秦曰緡趙曰縣吳趙之間脫衣相被謂之

緡

注

相覆及之名也

音義

緡音

箋疏

廣雅緡緡

雙聲字說文吳人解衣相被謂之緡大雅抑篇言

緡之絲毛傳緡被也王風葛藟篇緡葛藟在河

之漘毛傳緡長不絕之貌鄭箋云葛藟生于河

之匡得其潤澤以長大而不絕喻王之同姓得王

之恩施以生長其子孫是緡亦

施之意也連言之則為緡矣

桶悞滿也凡以器盛而滿謂之桶注言涌出也腹滿

曰悞注

言勅悞也

音義

桶音踊悞

箋疏

廣雅悞滿

勇悞之言涌也說文涌滕也滕與騰同素問五常

政大論云其動漂泄沃涌王冰注云涌溢也釋水

溫泉正出正出涌出也詩疏引李巡注云從下上

出曰涌涌與桶通廣雅悞悞滿也曹憲音皮逼反後

卷十三臆滿也注云悞臆氣滿也漢書陳湯傳策

慮悞億顏師古注云悞悞憤怒之貌馮衍顯志賦

云心悞億而紛紜衆經音義卷十二引方言悞滿

也悞作畱說文畱滿也玉篇音普遍扶六二切云

腹滿謂之涌腸滿謂之畛畛與恒通又云餽飽也
稱稱稷滿貌義亦與恒同也恒俗本作偏戴本同
宋本作恒與度
雅合今訂正

後醯冉鐮危也東齊拊物而危謂之後醯偽物謂之

冉鐮音義

醯醯酢冉音

箋疏

唐雅後醯冉鐮危也

反鐮俗本作鐮今從宋本鐮與鐮同王篇拊居為
切戴也卷九云偽謂之机机不安也注云船搖動
之貌是危
之意也

紕繹督雉理也秦晉之間曰紕凡物曰督之注言正

理也絲曰繹之注

言解釋也

音義

紕音毗

箋疏

惟廣

紕理也鄺風干旌篇素絲紕之毛傳云紕所以織
組也總紕於此成文於彼總紕猶言總理矣韋曜
魯語注云庀治也治亦理也庀與紕聲近義同說
文繹抽絲也衆經音義卷九引三蒼云繹抽也解

也是紕與釋皆絲之理也謝惠連雪賦云王乃尋
繹以翫釋詁云督正也周官太祝禁督逆祀命者
鄭注同僖十二年左氏傳云謂督不忘考工記匠
人鄭注云分其督旁之脩疏云中央為督督者所
以督率兩旁莊子養生主篇云緣督以為經李頤
注督中也王冰注素問骨空論云所以謂之督者
以其督領經脈之海也說文餐背縫也晉語衣之
偏餐之衣韋曜注云餐在中左右異色故曰偏餐
說文禱衣躬縫讀若督是凡言督者皆居中以正
理庶物之義也衆經音義卷七引方言云督理也
察也又卷五引云督察也理也今卷十二察也條
內無督字疑有脫文廣雅雅雅理也昭十七年左氏
傳云五雉為五工正利器用正度量夷民者也杜
預注夷平也正義云雉聲近夷雉訓夷夷為平故
以雉名工正之官使其利便民之器用正丈尺之
度斗斛之量所以平均下民也樊光服虔注云雉
者夷也夷平也使度量器
用平也是雉為正理也

𨔵

注

古矧字呂長也東齊曰𨔵宋魯曰呂

箋疏

說文
𨔵沉

詞也小雅常棣大雅桑柔況並作兄說文兄長也
廣雅疾作矧長也矧與疾同中山經云丙山多疾
杻注云疾義所未詳按疾杻者長杻也釋木云杻
檣唐風山有樛篇隰有杻毛傳同正義引陸機義
疏云爲木多曲少直蓋丙山之杻獨長故以疾杻
立名而特著之耳疾之言引也爾雅引長也說文
紉牛系也讀若疾按牛系必長說文縱以長繩繫
牛也是也廣雅縱紉並訓係係亦長也秦風小戎
篇陰紉塗續毛傳紉所以引也周官小宰注屬其
六紉釋文云劉音引或作引荀子王霸篇云縣縣
常以結引馳外爲務楊倞注縣縣不絕貌引讀爲
紉同皆長之意也廣雅呂長也莊子達生篇云孔
子觀於呂梁釋文引司馬彪注云呂梁河水有石
絕處也按絕處猶言渡處廣雅絕渡
也河水有石渡處是呂梁爲長梁矣

踞膂力也東齊曰踞

注

律踞多力貌宋魯曰膂膂田

力也

注

謂耕墾也

疏

廣雅踞力也曹憲音巨勿反玉篇踞足多力也集韻

或作趙說文趙走也讀若無尾之屈王篇趙卒起走也又通作屈掘漢書陸賈傳屈強於此顏師古注云屈強謂不柔服也後漢書王劉張李彭盧傳論云能掘強歲月之間李賢注掘強謂強梁也義與踞並相近下卷七云膂膂也注云擔者用膂力因名云廣雅膂力也衆經音義卷十三引方言云宋魯謂力曰旅旅田力也注同是本或作旅戴氏云膂與旅通詩小雅旅力方剛是也王氏懷祖云大雅桑柔篇云靡有旅力秦誓云番番良士旅力既愆周語云四軍之帥旅力方剛義並與膂同膂力一聲之轉今人猶呼力爲膂力是古之遺語也舊訓旅爲衆皆失之戴氏又云膂田力也之膂當作壘舉卷十二內壘力也注云耕壘用力爲證非是按衆經音義引作旅不作壘可證膂字之不誤

瘵諧審也齊楚曰瘵秦晉曰諧

音義

瘵瘵埋又翳

說說文宋悉也知宋諧也篆文作審瘵靜也靜審也集韻引廣雅瘵審也漢書外戚傳云爲人婉

瘵有節操顏師古注云瘵靜也通作嫫嫫宋玉神女賦澹清靜其情嫫今李善注引說文嫫靜也五

臣本文選作慝並字異義同說文謬理也下文謬
謬謬也玉篇謬審也謬也是謬與慝謬與謬聲
義並同單言之則曰謬曰謬連言之
則曰謬謬玉篇謬謬審謬也是也

證諦也。註。諦亦審互見其義耳。吳越曰。證諦。音義。

證音翳諦亦
音蒂諦音帝
本

笑疏

說見上條舊本注作亦審諦互見其義耳誤今從歸安丁杰校

指揜錯摩藏也荆楚曰指吳揚曰揜周秦曰錯陳之

東鄙曰摩

音義

錯音酢

樂疏

廣雅
也王篇
指揜藏
也說摩
藏

東鄙曰摩音義指鳥感反義疏廣雅指揜錯摩藏也玉篇指藏也說文揜覆也廣韻錯摩也摩隱也大學云揜其不善而著其善鄭注揜讀爲壓壓閉藏之貌也王氏懷祖云揜猶揜也方俗語有侈斂耳廣韻指手覆覆亦藏也今俗語猶謂手覆物爲揜矣大戴禮曾子制言篇云君子錯在高山之上深澤之污聚橡栗藜藿而食之生耕稼以老十室之邑是錯爲藏也

考工記弓人強者在內摩其筋鄭注云摩猶隱也
隱亦藏也藏舊本訛作滅戴氏據廣雅玉篇廣韻
校改

祛摸去也齊趙之總語也祛摸猶言持去也

箋疏

廣雅

祛去也荀子榮辱篇云祛於沙而思水楊倞注云
祛與祛同引方言祛去也齊趙之總語殷仲文南
州桓公九井詩或祛吝亦泯李善注引薛君韓詩
章句云祛去也揚子羽獵賦祛靈蟻韋曜注祛棒
也顏師古注云祛挹杖也又音祛引郭氏曰祛音
祛馬融廣成頌云祛封狶李賢注云祛音劫古字
通荀子脩身篇云劫之以師友楊倞注劫奪去也
劫與劫同祛祛與祛同戴氏據祛摸猶言持去
之義改祛作祛盧氏從之按廣雅去也條內又有
祛莫二字連文蓋本此是張揖所見方言祛作祛
撲作莫與今本及楊倞所見本各別今仍從舊本
潘岳關中詩亂離斯瘼李善注云瘼宜為莫言亂
離之道於此將散引韓詩曰亂離斯莫薛
君曰莫散也散亦去也摸莫瘼字異義同

舒勃展也東齊之間凡展物謂之舒勃

義疏

釋言展適也郭

注云得自申展皆適意廣雅舒展也又云展舒也楚辭九歌云展詩兮會舞王逸注云展舒也是舒

與展同勃今吳語猶然

樞揄旋也秦晉凡物樹稼早成熟謂之旋燕齊之間

謂之樞揄

義疏

旋之言還也齊風還篇云子之還今毛傳云還便捷之貌韓詩作璇

云好貌璇與旋通廣雅樞舉也王篇樞苦溝切挈衣也列子黃帝篇以瓦樞者巧殷敬順釋文云樞探也以手藏物探而取之曰樞亦曰藏樞卷十二云揄脫也連言之則曰樞揄挈取其揄脫即僖十五年左氏傳所言歲云秋矣我落其實而取其材之意也

絃筵竟也秦晉或曰絃或曰竟楚曰筵

音義

絃岡鄧反筵湯

義疏

說文絃竟也廣雅同班固答賓戲云絃以反年歲楚辭九歌云絃瑟今交鼓王逸注絃

一作經又招魂云娉容脩態經洞房些注云經竟也經與經同通作恆小雅天保篇如月之恆釋文云亦作經考工記弓人恆角而短鄭注云恆讀爲經經竟也亦作亘漢書諸侯王表云亘九疑孟康曰亘竟也班固西都賦云北彌明光而亘長樂張衡南都賦亘望無涯李善注並引方言亘竟也互與經古字通舊本二經字上作糸旁互下作糸旁恆並同今從舊本筵廣雅作挺竟也玉篇他鼎切挺與筵通

擱荆續也秦晉續折謂之擱繩索謂之荆

音義

擱音

音義

擱舊本並从手戴氏據廣雅玉篇並訓擱爲續以爲義本方言改此上擱字从糸作

網下擱字仍从手作擱盧本二擱字並改作網按網續也已見卷一戴氏誤以未續連文爲讀說見前此卷復出擱自當別爲一字且網擱並音刻網之或作擱猶刻之或作綖割之或作縑也若亦作縑此爲重出或謂方言之文每多疊見然必確有所據始可改易原文否則近於偏見今仍從舊本

淮南汜論訓云縹麻索縷又人間訓云婦人不
刻麻考縷間縹刻字與義同廣雅刺縹也曹憲
音魚劫反又且葉反又云縹縹縹也縹魚劫反王
篇縹縹縹縹也縹縹縹縹廣韻縹縹縹縹補衣也說文縹
縹衣也廣韻縹縹連縹也音且葉
切縹縹聲並與對同義亦相近

擘楚謂之紉

音

今亦以縹貫針為紉

音

擘音樂

音

疏

衆經音義卷九引廣雅擘分也音補革反王篇
同高誘注淮南要略訓云擘分也內則云塗皆

乾擘之考工記旅人髻墜薛暴鄭注薛破裂也喪
大記絞一幅為三不辟正義云古字假借讀辟為
擘孟子滕文公篇妻辟纁趙岐劉熙注並云緝縹
其麻曰辟孫奭音義音劈今俗語緝麻析其縷曰
劈並字異義同說文紉紉繩也廣雅紉紉也王篇
紉繩縷也展而縹之也內則篇衣裳綻裂紉紉請
補綴楚辭離騷云紉秋蘭以為佩王逸注紉索也
洪興祖補注引方言誤蒙上條作縹楚謂之紉絲
麻皆因緝縹以成縹
縷因卽謂擘為紉矣

方言箋疏

卷六

三

紅編山房校本

閭苦開也東齊開戶謂之閭苦楚謂之閭音亦開字

也

義疏

說文閭里中門也或从土作闌李賢注後漢書班彪傳引字林云閭里中門也李善

注張衡西京賦與字林同荀子儒效篇雖隱於窮閭漏屋楊倞注閭里門也楚辭大招曲屋步闌王

逸注闌一作欄司馬相如上林賦步闌周流李善

注云步闌長廊也集韻欄與簷同卷十三云閭開

也注云謂開門也門謂之閭開門亦謂之閭義相

因也苦各本譌作筭宋本惟下苦字不誤今訂正

廣雅閭苦開也苦各本譌作苦影宋鈔本皇甫本

作苦戴氏據誤本廣雅改苦作苦非是按閭苦疊

韻字衆經音義卷六引字林苦舒鹽反茅苦也釋

器云白蓋謂之苦郭注云白茅苦也今江東呼蓋

衆經音義卷十四卷十六並引李巡注云編菅毛

以覆屋曰苦士喪禮下篇寢苦鄭注云苦編葉襲

十四年左氏傳云被苦蓋杜預注云蓋苦之別名

說文苦蓋也蓋苦也徐鍇傳云編茅也楊倞注荀

子宥坐篇云蓋音盍戶扇也盍與閭同說文閭門

扉也一日閉也閉門謂之閭猶開戶謂之苦是苦

之為開與間正同亦義之相因者也說文開張也
古文作閼閼開也廣雅同衆經音義卷十三引聲
類云閼亦開字繁辭開物成務釋
文開王肅作閼與開聲侈耳

杼柚作也東齊土作謂之杼木作謂之柚

箋疏

此釋

之名也說文杼機持緯者柚通作軸玉篇軸除六
切杼本作軸也說文軸持輪也持輪謂之杼柚者亦
持經謂之軸舟舫謂之軸也工作謂之杼柚者亦
取制服之義與杼軸同土作木作今俗語猶然戴
氏云此蓋釋詩小東大東杼柚其空之義按方
言與爾雅似未可以一例與詩無涉戴說非也

厲印為也

注

爾雅曰倂厲作作亦為也歐越曰印吳

曰厲

箋疏

釋詁厲作也郭注引隱五年穀梁傳曰始厲樂矣何休注以為能自減厲與郭

異義又釋言作為也廣雅厲為也舉陶謨庶明厲
翼疏引鄭注云厲作也以衆賢明作輔翼之臣二
印字舊本並同戴氏據廣雅印為也曹憲音於信
反改作印按爾雅疏全引此條文皆作印可證印

方言箋疏
卷六
聖
紅蠟山房校本

之不誤且印之為為亦惟見廣雅若必概改為印則廣雅出而方言可廢矣盧氏仍從舊本作印云印與昂通有激厲之意與為訓相近今按漢書王章傳其妻謂章曰今疾病困厄不自激印而反涕泣如涸注日激厲抗揚之意也司馬相如長門賦云意慷慨而自印李善注云自印激厲也大雅卷阿疏引孫炎釋訓注云印印志氣高遠也是印與厲同故顧越日印吳日厲皆奮厲激印欲有所作為之意也

戲憚怒也齊曰戲楚曰憚

疏

廣雅戲憚怒也王氏疏證曰戲讀當為赫

戲之戲楚辭離騷陟陛皇之赫戲今王逸注赫戲光明貌張衡西京賦叛赫戲以輝煌薛綜注云赫戲炎盛也盛光謂之赫戲盛怒亦謂之赫戲故廣雅赫戲並訓為怒也憚亦盛怒貌也大雅柔柔篇云逢天憚怒憚與憚通秦策云王之盛亦憚矣憚亦威之盛義與憚怒之憚相近高誘以憚為難失之史記春申君傳憚作單古字假借耳司馬貞以單為盡亦失之周語陽痺憤盈舊音引方言楚謂

怒為痺痺與
憚古亦通用

爰暖恚也

注

謂悲恚也楚曰爰秦晉曰暖皆不欲磨

而強奮之意也

爰疏

說文恚恨也通作哇謝靈運擬陳琳詩云哀哇動梁埃

十二云爰暖哀也注云暖哀而恚也音段宋本作音喚廣雅爰暖恚也暖曹憲音呼館虎元二反王篇作虛元切虎即虛之訛廣韻暖恚也玉篇暖恨也暖與暖同說文暖欺也文三年公羊傳云此伐楚也其言救江何為援也何休注援詐也漢書藝文志云尚詐援而棄其信息夫躬傳云虛造詐援之謀欲以誌誤朝廷說文誌誤也誤亦欺也韓策云誌誤人主息夫躬傳云疾誌誤之臣思黃髮之言誌與恚援與爰暖聲並相近援誌皆欺詐之意故廣雅並訓為欺是惡其欺詐故中心不欲磨而強奮之也正

恚之意也

俊艾長老也東齊魯衛之間凡尊老謂之俊或謂之

艾

注

禮記曰五十為艾周晉秦隴謂之公或謂之

翁南楚謂之父或謂之父老南楚瀑涯之間

注

涯

水在桂陽母謂之媼謂婦妣曰母媼稱婦考曰父

媼

注

古者通以考妣為生存之稱

音義

瀑涯暴匡

多

錢疏

齊魯衛之間凡尊老者謂之艾又卷十六

引文曰艾父長老也是本或作艾說文艾老也或

從人作倭孟子梁惠王篇王曰艾趙岐注艾長老之稱

之稱也猶老也倭孫奭疏引劉熙注艾長老之稱

依皓首之言宣十二年左氏傳云趙倭在後杜預

注云倭老稱也倭與艾同釋詁艾長也釋名云五

十云五十曰艾艾父也又治也治事能斷割艾刈

無所疑也廣雅艾老也曲禮云五十曰艾鄭注同

孔晁注逸周書諡法解又云七十曰艾與禮異說

非郭意也漢書高帝紀云幾敗乃公事又田叔傳

云學黃老之術於樂鉅公顏淵古注云公者老人

之稱也又睦宏傳云從嬴公以受春秋注云公是
長老之號耳長老謂之公故父亦謂之公魏策云
陳軫將行其子陳應止其公之行列子云家公執
席前是也父謂之公父天下者亦謂之公郊祀志
云天子爲天下父謂之鉅公亦稱天公後漢書南
匈奴傳云棄茂天公李賢注云天公謂天子也是
也翁與公聲相近漢書匈奴傳云漢使馬邑人聶
翁壹間闕出物顏師古注云翁者老人之稱也老
人謂之翁故父亦謂之翁史記項羽紀云吾翁卽
若翁漢書匈奴傳廼使劉敬奉宗室女翁主爲單
于閼氏注云諸王家女曰翁主者言其父自主婚
是也史記馮唐傳文帝問唐曰趙將李賢之賢父
知之乎又曰父老何自爲郎漢書高帝紀曰父老
苦秦法久矣注父老何自爲郎漢書高帝紀曰父老
陽縣盧聚南出淮浦關爲桂水南出二字舊說作
山按桂陽郡桂陽縣郡縣同名二字同前志桂陽
下曰匯水南至四會入鬱過郡二行九百里匯卽
涯之訛二郡謂桂陽南海也水經曰涯水出桂陽
縣盧聚東南過舍涯縣南海出涯浦關爲桂水前志
南海中宿縣有涯浦官鄺道元水經注作關官卽

關之訛今廣東廣州府連州英德縣清遠縣合流
水出連山縣東南廣州府城西入西江以入海前志
水經三山縣至廣州府城西入西江以入海前志
所謂入鬱今北江也其出匯浦關在今清遠縣酈
氏曰桂水者匯之別名也又按匯水亦名湟水亦
作潢水史記出桂陽下匯水匯亦湟之訛漢書作
下湟水是也水經注引山海經湟水今海內東經
作潢水云潢水出桂陽西北山東南注肄水入敦
浦西潢即湟聲之訛耳水經又云漆水過棖陽縣
出匯浦關與桂水合注引山海經敦浦作郭浦是
敦即郭之訛郭郭湟聲相近廣雅煌煌母也曹憲音皇
玉篇同廣韻煌煌女煌堯妻帝繫作女皇按煌之言
皇也周語曰則我皇妣大姜之姪其但謂之煌者
猶楚辭離騷云皇覽揆余于初度今王逸注皇皇
考也蓋母亦然也皇覽揆余于初度今王逸注皇皇
妣廣雅云妻之父謂之父娒妻之母謂之母娒曹
憲音多可反亦音多又云娒父也音大可反廣韻
娒北人呼父也娒與娒同音說文云江淮之間謂
母曰娒娒娒聲並與娒相近注古者通以考妣為
生存之稱者郭氏爾雅注引禮記曰生日父母死

嶢峭嶮高也

注

嵯嶢嵒嵒皆高峻之貌也

雙疏

文說

嵯峨曉晴

丹崖嶮峻之貌者說文焦嶮山高貌焦

方言箋疏

卷六

素

卷六

與雌同玉篇嶸嶸嶸亦作嶸同楚辭遠遊云下嶸
嶸而無地今宋玉高唐賦云俯視嶸嶸漢書西域
傳臨嶸嶸不測之深此與高義並異按嶸嶸嶸嶸
皆墨韻字並為形容之辭深下謂之嶸嶸嶸嶸亦
得謂之嶸嶸也且字皆從山於高義為近嶸字舊
本並同戴本改作嶸各本脫皆字今從曹毅之本
補

獸塞安也

注

物足則定

箋疏

說文獸飽也或从呂作

其能長久也楊倞注獸足也是獸為安定之意也
通作厭洛誥云萬年厭干乃德秦風小戎篇厭厭
良人毛傳厭厭安靜貌亦作厭愔釋訓厭厭安也
郭注云安詳之容說文厭安也引詩曰厭厭夜飲
於鹽切今小雅湛露篇作厭厭毛傳厭厭安也釋
文及魏都賦注引韓詩作愔愔列女傳同昭十二
年左氏傳祁招之愔愔杜預注愔愔安和貌嵇康
琴賦云愔愔琴德李善注引韓詩愔愔和悅貌宋
玉神女賦澹清靜其愔愔今王褒洞簫賦作厭厭
說文愔靜也並字異義同皋陶謨篇云剛而塞某

氏傳云剛斷而實塞說文塞實也引虞書作剛而
寒夏本紀作剛而實廣雅厭寒安也寒與實通邪
風燕燕篇其心塞淵毛傳云塞瘞也瘞與嫫瘞並
通是厭塞猶情嫫狀慙也釋文云瘞崔本作實皆
字異義同卷十二云屑屑不安也秦晉謂之屑屑
或謂之塞塞或謂之省省不安之語也以相反為
義也

倭憐憐也

音義

倭音凌憐亡主反

箋疏

卷一云倭憐憐哀也趙魏代之間曰倭自

楚之北郊曰憐注云倭猶憐耳說文憐哀也是憐
與哀同義卷一又云憐憐愛也韓鄭曰憐汝穎之
問曰憐宋魯之間或曰憐憐通語也說文憐愛也
韓鄭曰憐愛與哀聲義並相近呂氏春秋報更篇
云人主胡可以不哀士高誘注云哀愛也檀弓云
哭而起則愛父也愛亦哀也互見卷一諸條下憐
舊本並同釋詁憐愛也郭注云憐韓鄭語愛
與憐義相近音亡主反反字盧本誤作字

掩翳夢也

注

謂蔽夢也詩曰夢而不見

音義

夢音

箋

疏釋言愛隱也郭注云謂隱蔽楚辭離騷云衆愛

靜女篇優而不見今詩作愛廣雅釋言愛優也大

雅烝民篇愛莫助之毛傳愛隱也愛隱聲之轉耳

廣雅釋訓曖曖翳翳也衆經音義卷六引作曖曖

黃箋優愛曖曖並字異義同掩猶隱翳也說文晦日

月令云處必掩身鄭注云掩猶隱翳也楚辭離騷

不明也廣雅晦障也又云晦翳障也楚辭離騷

揚雲霓之晦藹兮王逸注云晦藹猶翳鬱蔭貌也

張衡南都賦云晦曖蒨蒨張充與王儉書云弱霧

輕煙乍林端蒨蒨掩掩蒨蒨亦字異義同卷十三云

翳掩也注謂掩覆也廣雅翳翳障也釋木云蔽者

翳郭注云樹蔭翳覆地者引大雅皇矣篇其樛其

翳詩疏引李巡注云木勢將下偃垂陰委地者曰

翳宜二年左氏傳宣子田于首山舍于翳桑杜預

注翳桑之多蔭翳者楚語云好縱過而翳諫韋曜

注云翳障也孫子行軍篇軍行有險阻潢井葭葦

山林翳薈者魏武注云翳薈可屏蔽之處也左思

詠史詩歸來翳負郭李善注引方言翳蔭也通作

殿卷十二云殿幕也注云謂蒙幕也音醫殿與翳

聲義並相近

佚惕緩也

音義

佚惕跌唐兩音

雙疏

此條舊本並同戴氏據

場作場緩作姪盧本仍舊云佚與場佚蕩佚惕効

日佚音鐵蕩音謹晉灼曰佚蕩緩也正本此又蕭

該云蕩亦作惕韋昭音佚為替惕為黨又李善注

江淹恨賦引惕子傳作跌岩戴氏遠從廣雅改此

文不考之漢書非是釋案佚惕雙聲字亦作跌惕

說文跌惕也惕跌也徐鍇傳曰跌惕過越不拘

也玉篇徒結徒郎云跌惕也廣韻十六屑同云跌

踢文十三年穀梁傳云兄弟三人佚宕中國後漢

書孔融傳云又前與白衣禰衡跌蕩放言李賢注跌

蕩無儀檢也與佚惕亦同倒言之則曰踢跌廣韻

踢惕跌頓伏貌音唐又吐郎切又作倣儻廣雅倣

儻卓異也曹憲音釋上汀歷下他朗漢書禮樂志

云誌倣儻精權奇司馬相如封禪文奇物譎詭倣

儻窮變李善注引漢書音義云倣儻猶非常也又子

虛賦倣儻瑰偉郭注云倣儻猶非常也分言之則

說非也今亦從舊本

輶軒使者絕代語釋別國方言箋疏卷第六終

輶軒使者絕代語釋別國方言箋疏卷第七

嘉定錢 繹撰集

仁和王文韶校刊

諄憎所疾也宋魯凡相惡謂之諄憎若秦晉言可惡

矣

音義

諄之

潤反

箋疏

廣雅諄

憎諷苦也

諷與疾通

秦

精神訓云苦猶疾也荀子哀公篇云無取口諄口
諄諄也楊倞注云諄與諄同引方言作齊魯凡相
疾惡謂之諄憎韻會同說文諄怨也引康誥曰凡
民罔不諄某氏傳云人無不惡之者孟子萬章篇
作諄廣雅諄惡也諄玉篇又作諄同法言重黎篇
楚傲羣策而自屈其力李軌注傲惡也又修身篇
君子微慎厥德悔吝不至何元傲之有注元傲大
惡也諄諄諄諄諄諄字異義同鄰風北門篇王事敦
我毛傳敦厚也荀子議兵篇云有離俗不順其上
者則百姓莫不敦惡陽倞注敦厚也說文敦怒也

方言箋疏

卷七

紅蝠山房校本

詆也敦與諄聲義並相近按詩言以役事與之則無所謂厚蓋王事敦我猶言以王事詆怒我也百姓莫不敦惡猶凡民罔不怒也是敦諄亦同注家並訓敦為厚失之說文憎惡也廣雅同周語云其叔父實應且憎說文惡過也烏各切詎相毀也一日畏詎也宛古切廣韻作詎音烏路切是美惡字作惡愛惡字作詎今書傳並作惡按昭七年左氏傳云魯衛惡之杜預注云受其凶惡釋訓云居居究究惡也郭氏注云皆相憎惡是惡字兼美惡愛惡二義

杜蹻蹻也趙曰杜注今俗語通言蹻如杜杜梨子蹻

因名之山之東西或曰蹻注郝蹻燥蹻貌音義蹻音

笑受說文蹻不滑也从四止楚辭七諫云言語音

也注云蹻猶苦者風俗通十反篇云冷蹻比如寒

蟻石門頌云道路蹻蹻並與蹻同廣雅杜蹻

蹻也莊子應帝王篇云是殆見我杜德機也郭象

注云德機不發曰杜崔誤云塞吾德之機衆經音

義卷五引賈逵國語注云杜寒也寒與澀聲義並相近杜梨子澀四名之者釋木云杜甘棠郭注云今之杜梨又云杜赤棠白者棠注云棠色異其名唐風有杜之杜毛傳云杜赤棠也疏引樊光注云赤者為杜白者為棠六書故引舍人注略同是以色異其名也說文云杜曰棠杜是又以性殊其名也諸家皆與郭異惟詩疏又引陸機疏云赤棠與白棠同耳但子有赤白美惡予白色為白棠甘棠也少酢滑美赤棠子澀而酢無味俗語云澀如杜與此注正合躋曹憲音虛虐反音笑噉噉字俗本作謬宋本作噉與廣韻正合今訂正

桃抗縣也趙魏之間曰桃白山之東西曰抗燕趙之

郊縣物於臺之上謂之桃注了桃縣物貌音義桃

小
疏

說文縣繫也从系持首徐鉉云此本是縣反系之縣借為州縣之縣今俗加心別作懸

又鼎到首也賈侍中說斷首到縣字古堯切廣雅桃抗懸也縣懸古今字桃本或作上衆經音義卷

十三云了又作紉同丁皎反引方言云懸也
趙魏之間曰郭璞曰了懸貌也是元應所見
本桃作王孫賦瓜懸而瓠垂說文禾部杓禾危
王延壽王切按危采蓋謂禾過熟而不收則穎欲
采也都切齊民要術所云刈晚則穗折遇風則滅收
斷蒂即齊民要術所云禾穗垂兒杓與聲義並
也玉篇杓懸也廣韻杓禾穗垂兒杓與聲義並
同王氏懷祖云今俗語懸物爲杓聲亦相近也小
雅瓠葉篇云有免斯首炮之傳云炕火曰炙鄭箋云
加火曰燔又云燔之炙之傳云炕火曰炙鄭箋云
凡治兔之宜鮮者毛炮之而炙之乾者燔之正
義云炕舉也謂以物貫之而舉於火上以炙也按
炕卽抗之假借字此云抗縣也是其義也又生民
傳曰傳火曰燔貫之加於火上曰烈又鄭注禮運
云炮裏燒之也燔貫之加於火上曰烈又鄭注禮運
之舉而加于火上卽抗火也小雅賓之初筵篇大
侯既抗毛傳抗舉也箋云舉鵠而棲之於侯也考
工記梓人云故抗而射女鄭注云抗舉也張也義
亦相近也俗本注脫貌字宋本有
與衆經音義所引正合今據補

發稅舍車也東齊海岱之間謂之發注今通言發寫

也宋趙陳魏之間謂之稅注稅猶脫也音義舍宜

箋疏注讀舍為寫今通言發寫曲禮云器之概者不寫其餘皆寫寫義與卸同說文卸舍車解

馬也讀若汝南人寫書之寫是發寫即發卸發釋

詰作廢云廢舍也郭注云舍放置周官太宰云廢

置以馭其吏鄭注云廢猶退也又中庸注云廢猶

罷止也宣八年公羊傳云廢其無聲者何休注廢

置也周語富辰曰小怨置大德韋曜注置猶廢也

楚辭招魂娛酒不廢沈日夜些王逸注云不廢猶

不發是廢與發同戴氏云蓋釋詩齊子發夕之義

言夕而解息車徒也按齊風載驅首章云齊子發

夕次章云齊子豈弟毛傳云發夕自夕發至旦鄭

箋云此豈弟猶言發夕豈讀當為閭弟古文尙書

以弟為圍圍明也韓詩云發明也王逸注楚辭招

魂云發旦也旦亦明也商頌長發篇元王桓撥韓

詩撥作發云明也廣雅明發也鄭君以三章言翺翔四

夕猶小雅小宛篇明發也鄭君以三章言翺翔四

夕猶小雅小宛篇明發也鄭君以三章言翺翔四

方言箋疏 卷七 三 紅蝠山房校本

章言遊放為相類惟二章言豈弟與發夕為不類故特為破字作問圍則上言發夕謂初夜下言問明謂侵明於文義始和類且順若作夕而解舍車徒解則與次章豈弟問圍之義皆為不類矣且方言之作非為釋詩其說非也釋詁稅舍也郭注云詩曰召伯所稅今召南甘棠篇作說毛傳云說舍也周官典路云辨其名物與其川說鄭注云說謂舍車也士昏禮主人說服于房注云今文說作稅釋文說言脫也昭二十一年左氏傳云說甲于公而歸稅說脫古字並通

肖類法也齊曰類西楚梁益之間曰肖秦晉之西鄙

白冀隴而西注冀縣今在天水使犬曰肖西南梁

益之間凡言相類者亦謂之肖注肖者似也音義

哨音
箋疏
廣雅肖濃也濃與法同法言學行篇云

騷
我久則肖之矣速哉七十子之肖仲尼也通作肖
俏漢書刑法志夫人肖天地之類應劭注肖類也

頭圓象天足方象地列子力命篇云倮倮成者倮成也初非成也倮倮敗者倮倮敗也初非敗也張湛注倮音肖肖云似也肖倮並與肖同釋詁類善也按類爲善猶不肖爲不善也鄭注類謂比式釋文云比方則義不壹行無類也鄭注類謂比式釋文云比方法式也楚辭九章云吾將以爲類兮王逸注云宜以我爲法度太元穀次七觥羊之穀言不法也荀子勸學篇云羣類之網測曰觥羊之穀言不法也荀子勸學篇云羣類之網測曰也楊倮注類法也廣雅又云肖類象也管子七法篇云義也名也時也似也骨也肉也相也狀也謂之象義並相通也說文云肖骨也似也骨也肉也相也狀也謂之象日不肖衆經音義卷十三引作方言蓋誤也說文又云類種類相相似惟犬爲甚相相似謂之類亦謂之肖故法謂之肖亦謂之類也注翼縣在天水者漢書地理志天水郡武帝元鼎三年置冀縣禹貢朱圉山在縣南梧中聚顏師古曰圉讀與圍同郡國志冀縣屬漢陽郡晉志天水郡統縣六冀其一也說文驥千里馬也孫陽所相者天水有驥縣與諸史異今甘肅鞏昌府伏羌縣是其地冀縣故城在縣南說文肖不肖也才笑切玉篇噉蘇走先奏二

切引方言云秦晉冀隴謂使犬曰嗾又云嗾倉候
切或與嗾同說文嗾使犬聲春秋傳曰公嗾夫葵
宣二年左氏傳釋文云服本作嗾正義引服虔云
嗾取也葵犬名公乃嗾夫葵使之噬盾也公羊傳
疏云今呼犬謂之屬哨嗾
嗾屬聲轉字異義並同也

憎懷憚也

注

相畏憚也陳曰懷

義疏

卷十三云憚但惡也注云心憚

懷亦惡難也說文憚忌難也屯釋文引賈逵周語
注云難畏難也難與憚義同故廣雅憎懷畏憚並
訓為難又云憎苦也大雅雲漢篇云我心憚暑鄭
箋憚猶畏也釋文鄭徒旦反毛丁佐反韓詩云苦
也是苦與憚義亦同故憎又訓為苦義並相
通也懷曹憲音人尙反玉篇懷憚也相畏也

譙

注

字或作誚譙讓也齊楚宋衛荆陳之間曰譙自

關而西秦晉之間凡言相責讓曰譙讓北燕曰譙

音義

譙火

義疏

說文讓相責讓也讓推也書傳多
借讓為惟懷字其實亦通故鄭注

袁反

借讓為惟懷字其實亦通故鄭注

曲禮云榘古讓字說文譙譙譙也讀若嘲古文作
請引金滕篇王亦未敢請公管子立政篇云里尉
以譙于游宗韓非子五蠹篇云父母怒之不為改
鄉人譙之不為動淮南修務訓云乃整兵鳴條困
夏南巢譙以其過放之歷山高誘注譙責也連言
之則曰譙讓史記萬石君傳子孫有過失不譙讓
為便坐對案不食漢書高帝紀樊噲亦譙讓羽頗
師古注云譙讓以詞相責也廣雅譙讓也王氏疏
證云說文譙譙也字亦作誼凡人相責讓則其
聲誼譁故因謂讓為誼猶今人謂誼呼為讓也

僉胥皆也自山而東五國之郊曰僉注六國唯秦在

山西東齊曰胥說文說文皆俱詞也釋詁僉胥皆

帝紀作皆曰縣可是僉為皆也卷十二云僉駮也

注云僉者同故為駮卷六云胥輔也注云胥相也

廣雅胥輔助也義並相近也衆經音義卷三引作

自關而東五國之郊謂皆曰僉東齊曰胥又卷十

二引同惟
日字作為

俾莫強也北燕之外郊凡勞而相勉若言努力者謂

之伴莫

廣雅勑莫强也曹憲音牟强巨兩反玉篇勑勵也勑與侔同侔之言懋也舜典維時

懋哉史記五帝紀作維時勉哉皋陶謨作懋哉懋

哉某氏傳訓懋爲勉家君曰盤庚懋建大命懋簡

相爾石經懋皆作勛顧命冒于非幾馬鄭王本

皆作勛貢說文勛勉也字从冒聲當音莫候切與

懋字音義並同陸德明徐鉉並音許玉反失之廣

雅文勉也淮南繆稱訓云猶未之莫與高誘注莫

勉之也。合言之則曰：『率莫轉言之則曰：『文莫論語。』

述而篇文莫吾猶人也韓門綴學引樂肇注燕齊

之間謂勉強爲文莫廣雅文勉也說文恣強也玉

篇态自勉强也文倅聲之輕重耳是文莫與倅莫

同創言之則曰莫文淮南原道訓穆杰隱閑純德

獨存穆念與莫文亦同累言之則曰侔侔莫莫荀

子榮辱篇恚恚然唯利飲食之見是狗彘之勇也

又云倅倅然利之見是賈盜之勇也倅倅唯利之

見孟子孜孜爲利也悻悻孜孜皆勤勉之意揚僚

注以恹恹爲愛欲之貌引方言牟愛也朱魯之間

曰牟失其義矣釋訓懋懋懋懋也司馬相如封禪文敗穆穆並字異義同卷一云釗薄勉也故其鄙語曰薄努力猶勉努力也注云如今人言努力也廣韻努力努力也通作怒廣雅怒勉也巨氏春秋至忠篇非怒王則疾不可治也謂欲王努力也

保恹罵也

注

贏小可憎之名也燕之北郊曰保恹

音

義

保音

笑疏

廣雅同曹憲保巨恭反恹音春玉篇保字注全引此條文又云謂形小可

憎之貌蓋卽此注文也前卷三云臧甬奴婢賤稱也陳魏宋楚之間保庸謂之甬云庸又謂之恹轉語也注云猶保似也今隴右名媼爲恹音相答反是恹猶保庸皆罵之意也今吳人以厲聲罵人曰保讀渠公切其保恹之合聲與注贏小可憎者後卷九云艇小而深者謂之樑注云卽長舢也音耶竹玉篇樑舢同小船也樑先恭切小行恐貌松松同小樺也音鐘又息拱切小袴也義與保恹並相近故注以爲贏小可憎之名贏玉篇引作形名作兒

展惇信也東齊海岱之間曰展燕曰惇注惇亦誠信

貌釋

信伸古字通用此信字兼屈伸誠信二義

亦同釋言展適也注云得自申展皆適意前卷六

云舒勃展也東齊之間凡展物謂之舒勃廣雅展

舒也又云伸展直也義並通也廣雅伸展也申與

伸同皆展相訓也又楊子長楊賦適展人之所詘

李善注引方言信作申按文選注所引諸書凡與

本書字異而聲義並同者多改從本書以便省覽

非別有異同此亦然也說文蚩蟲曳行也玉篇作

伸行音丑善切廣雅鎡長也曹憲音恥輦反廣韻

鎡物令長蚩鎡聲並與展同玉篇又云振撻醜長

貌振亦丑善切集韻撻引也合言之則曰振撻醜廣

雅振撻展極也按展極猶言伸極邨風擊鼓篇不

我伸今毛傳云信極也展蚩鎡振字異聲義並同

是展又為屈伸之伸也衆經音義卷一引蒼頡解

詁云惇古文敦同李善注謝靈運石門新營所住

詩引方言作敦大戴禮王言篇云士信民敦素問

上古天真論長而敦敏王冰注云敦信也敦與惇

通

斯羽離也齊陳曰斯燕之外郊朝鮮冽水之間曰羽

箋疏

釋言斯離也郭注齊陳曰斯大雅板篇無獨

列子黃帝篇云不知斯斯齊國幾千里萬里陳風莫

門篇斧以斯之毛傳斯析也莊子則陽篇云斯而

析之分析亦離散之義說文死漸也人所離也說

互見前卷六所散也條下羽舊本並譌作掬掬與

離義不相屬當作羽乃播之異文衆經音義卷七

云播又作譎散羽三形楚辭九歌云羽芳椒兮成

堂洪興祖云羽古播字此書籍中古字之僅存者
隸釋漢幽州刺史朱龜碑云口羽徽馨名懿允升
魏橫海將軍呂君碑將遂羽聲于方表掃醜虜於
南域洪适並云羽卽播字是隸字亦有作羽者與
般庚播告字說文作譎正同蓋方言離訓字本作
羽淺人少見羽多見羽遂訛羽爲羽又加手旁作
掬幾致不可通矣今訂正吳語云今王播棄黎老
楚辭九歎播規渠以播度兮是播爲離也又音補

方言箋疏

卷七

七

米則山房松本

何切李善注劉越石答盧謨詩引聲類播散也義亦同也

蜎蛭逮也東齊曰蜎北燕曰蛭逮通義也

音義

曷 蛭
噬 音

筴疏也。郭注云：束齊曰筴。說文：逮，束隸並訓爲

及逮遼東韓字異聲義並同晉語云君故生心殲
蝸諸焉避之按雖蝸諸焉避之猶言雖及讒譖無

之耳逃韋曜注以柔蠹釋之云蠹木蟲也諧從中起

如蠅食木不能運旂義迅也蠅通作曷小
雅四月篇曷云能穀毛傳云曷逮也亦作曷釋言

是郭意過與謝同也唐風有杖之杜云墜肯適我

毛傳云遠也韓詩作遠云乃也北風曰月篇遠不
古處傳云逝速也疏並云釋言文今爾雅作遠是

與噬同

皮
撈彈
強也

注

謂強語也秦晉言非其事謂之皮

傳東齊陳宋江淮之間曰彈儉音謹儉音謹後漢

書張衡傳云且河洛六藝篇章已定後人皮傳無
所容纂李賢注引此文釋之曰謂不深得其精核
皮膚淺近強相附會也傳音附論語顏淵篇云膚
受之烈馬融注云膚受之烈皮膚外語非其內實
也又張衡東京賦云未學膚受薛綜注云膚受謂
皮膚之不經於心胸顏師古漢書五行志注云膚
受謂初入皮膚以至骨髓也皮膚與皮傳聲近義
同廣雅憚憚強也憚曹憲音七漸四廉二反憚與
通彈

勝曬晞暴也東齊及秦之西鄙言相暴僂為勝音勝勝

僂謂相暴熾惡事燕之外郊朝鮮冽水之間凡暴
肉發人之私披牛羊之五藏謂之勝暴五穀之類
秦晉之間謂之曬東齊北燕海岱之郊謂之晞音

義

勝音勝。勝，脯。曬，霜。智反。○俗本勝下又

義疏

說文

也从日出。𠂔，米玉篇步卜切。徐鉉音薄。報切。非是。

又平部。暴疾有所趣也。从日出。𠂔，音薄。報切。非是。

字形義各別。今經傳皆作暴。難於諛正。考工記：橈

氏凍絲以說水渥其絲。七日去地尺暴之。史記：司

馬相如傳：暴於南榮。索隱云：暴，偃臥。日中也。亦讀

為暴。露之暴，范甯注隱五年穀梁傳云：乃暴師。經

年釋文亦音步卜反。云：本或作曝。暴，露也。說文：膊

薄，脯膊之屋上也。釋名：膊，迫也。薄，桮肉迫著物使

燥也。成二年左氏傳云：殺而膊諸城上。杜預注：膊

磔也。正義曰：周禮掌戮，斬殺而膊。城上杜預注：膊

云：搏也。當為膊。諸城上之膊，字之誤也。膊，謂去衣磔

之。引方言：膊，曝也。曝，俗暴字。漢書：宣帝紀為取暴

室。晉大夫許廣漢女應劭曰：暴室，宮人獄也。今日薄

室。顏師古曰：暴室者，掖庭主織作染凍之署。故謂

之暴室。取曝曬為名耳。或云：薄室者，薄亦暴也。今

俗語猶言薄曬矣。史記：楚世家云：靈王會兵於申

日及至困厄。奴僂，過索隱曰：僂，辱也。漢書：季布傳：贊

僂，越大夫常壽。過索隱曰：僂，辱也。漢書：季布傳：贊

錯爲奴而賣之也義與暴慘相近注云暴礫惡事
古說文礫辜也周官掌戮云殺王之親者辜之鄭
注云辜之言枯也謂礫之大宗伯以鬯辜祭四方
百物鄭眾從故書作罷辜云罷辜披礫牲以祭釋
天云祭風曰礫郭注云今當大道中礫狗云以止
風是礫者開也張也剋其胸腹而張之令其乾枯
不收與膊同意披音普彼切說見前卷六獬披散
也條下說文曬暴也廣雅同玉篇曬暴乾物也後
卷十云曬乾物也揚楚通語也注云亦皆北方通
語耳漢書中山靖王傳云白日曬光幽隱皆見今
音變爲所賣切玉篇晞暴也楚辭九歌云晞女髮
兮陽之阿小雅湛露篇匪陽不晞毛傳云陽日也
晞乾也按陽通作暘說文暘日出也祭義云殷人
祭其闇周人祭其陽鄭注云陽讀爲日雨曰暘之
暘謂日中時也洪範八庶徵曰雨曰暘某氏傳云
雨以潤物暘以乾物噬嗑六二噬腊肉馬融注云
晞於陽而煬於火曰腊說文昔乾肉也从殘肉日
以晞之檣文从肉作篇篇昔並與腊同是晞爲暴
也暴所以乾物故乾亦謂之晞說文晞乾也秦風
蒹葭篇白露未晞玉藻髮晞用象櫛毛傳鄭注並

也去九切玉篇又音尺沼切柴誓云峙乃糗糧鄭
注糗熬穀也周官籩人糗餌粉簋鄭衆云糗熬大
豆與米也昭二十五年公羊傳云放致糗于從者
何休注糗糒也說文糒乾飯也糗與熬聲義並同
說文煎熬也廣雅煎乾也士喪禮下篇凡糗不煎
周官內饔掌王及后世子膳羞之割烹煎和之事
內則云煎醢按乾者水盡之名故後卷十三又訓
煎爲盡成二年左氏傳余姑翦滅此而朝食杜預
注煎盡也翦與煎義亦相近備初學記引作糗衆
經音義卷九同又卷三卷七卷十四卷十八引仍
作煎說文糗以火乾肉也籩文作糗糗符逼切廣
雅糗乾也周官籩人注云鮑者於福室中糗幹之
漢書貨殖傳注引作煇煇即糗之省並與糗同說
文糗乾飯也釋名云干飯飯而暴乾之也暴乾飯
謂之糗火乾穀謂之糗義正同也糗與糗聲亦相
近鞏卽烘聲之轉也說文烘燥也引小雅白華篇
樵彼桑薪抑烘烘于煤衆經音義卷八引廣雅燥乾
也毛傳云桑薪烘燥也煤衆經音義卷八引廣雅燥乾
鄭箋云桑薪宜以炊饗館之饗以養食人桑薪薪
之善者也我反以燎於炷竈用炤事物而已釋文

引說文音巨凶甘凶二反釋言烘燎也熤炷也郭注今之三隅竈見詩舍人注烘以火燎也熤炷竈也詩疏云炷者無釜之竈其上火然火謂之烘蓋熤非飲食之竈若今火鑪然可以炷物亦可為熏爇之用則烘之訓燎與方言廣雅義並合又廣雅煇乾也曹憲音穹去聲玉篇煇乾也廣韻火乾物也集韻煇曝也煇與翠亦聲近義同

脯飪亨爛糲酋酷熟也自關而西秦晉之郊曰脯徐

揚之間曰飪嵩嶽以南陳潁之間曰亨自河以北

趙魏之間火熟曰爛氣熟曰糲久熟曰酋穀熟曰

酷熟其通語也**首義**脯音而飪音荏**箋疏**說文軌

玉篇軟爛也軟孰古今字說文脯熊蹯不熟正義引字書也宜二年左氏傳宰夫脯熊蹯不熟正義引字書過熟曰脯楚辭脯鼈炮羔有柘漿些枚乘七發熊蹯之脯李善注引方言作脯招魂又云肥牛之臠

膳若芳些王逸注膳若熟爛也膳廣韻作膳云其
熱與膳同舊作膳內則云濡豚鄭注濡謂亨之以
汁和也並字異義同說文飴九之熟也義與膳亦
相近說文飴大熟也膳並古文飴廣雅飴熟也
飴與飴同論語鄉黨篇失飴並古文孔安國云失飴
失生熟之節也聘禮唯羹飴筮一尸鄭注古文飴
作臛郊特牲篇腥肆臛臛祭鄭注臛熟也飴肝飴
臛並字異義同說文臛穀熟也引昭元年左氏傳
鮮不五稔稔與飴同聲食熟謂之飴亦謂之首猶
穀熟謂之稔亦謂之秋也說文官獻也從高省曰
象熟物形許兩切篆文作亭亭象薦孰也因以篆文
爲飴物字讀普庚切亦作烹禮運以炮以燔以亨
以炙鄭注亨煮之鑊也昭二十年左氏傳云以亨
魚肉廣雅釋詁孰也又釋言薦飴也曹憲並音
普衡反家君曰此以爲烹字也按說文以薦爲
之或體字膳卽和羹之羹說文燔火熟也或從
作爛隸省作爛卽和羹之羹說文燔火熟也或
於鑑炭爛說文饌酒食也或作饌饌二形釋訓釋
文引字林饌熟食也周官饌人鄭衆云炊黍稷曰
故書饌作饌鄭注特牲饋食禮云炊黍稷曰饌古

方言箋疏

卷七

士

紅幅山房校本

文餘作落周禮作饌饌並饌之譌首之言禾也說
文禾穀熟也月令麥秋至太平御覽引蔡邕章
句云百穀各以其初生爲春故麥以孟夏爲秋又
云乃命大酋鄭注云酒熟曰首高誘注呂氏春秋
仲冬紀云醕釀米麴使之化熟故謂之首鄭語毒
之酋腊者其殺也滋速韋昭注云精熟爲首是首
爲熟也周官酒正二曰昔酒鄭注云昔酒今之首
久白酒說文首釋酒也釋名酒首也釀之米麴酉
澤久而味美也酉澤與首釋同是久熟曰首也酤
之言酤裂也李賢注後漢書張衡傳云酤裂青氣
盛也通作枯廣雅惟枯熟也曹憲音酤玉篇酤禾大
熟也廣韻枯禾熟也酤與酤同是穀熟曰酤也衆
經音義卷四云酤古文酤酤同是穀熟曰酤也衆
記三代世表作帝估李善注潘岳西征賦云估與
譽同風俗通皇霸篇引書大傳云譽者考也成
也說文文煇旱氣也估譽煇聲義並與酤相近

嬰盈怒也燕之外郊朝鮮冽水之間凡言呵叱者謂

之嬰盈

音義

嬰上

箋疏

嬰舊本訛作魏戴氏云魏
卽嬰之訛玉篇嬰盛貌則

髮盈為盛氣呵叱如馮之訓滿訓怒也廣雅覘盈怒也曹憲不察魏為髮之訛音於危反殊失之今據以訂正按前卷二髮細也自關而西凡細而有容謂之髮音羌筆反又卷一嬾嬾好也宋魏之間謂之嬾郭音盈云言嬾嬾也廣雅嬾嬾好也通作贏亦作盈史記趙世家吳廣女名娃贏古詩云盈盈樓上女嬾嬾並與盈同合言之則曰髮盈皆好之意也轉而為好惡之好好謂之髮盈怒亦謂之髮盈猶笑謂之呵怒亦謂之呵哀謂之呵呵笑也漢書咍皆以相反為義也廣雅釋訓云呵呵笑也漢書文苑傳彌衡言不遜順黃祖乃呵之前卷一云凡哀泣而不止曰咍說文咍寬爛心腹貌引衛風淇澳篇赫兮咍兮今詩作咍廣韻咍吳人語快也皆是也

踉蹌隄企立也東齊海岱北燕之郊跪謂之踉蹌

今東都人亦呼長踉為踉蹌委瘳謂之隄企

楚不能行也音義

楚不能行也音義

楚不能行也音義

楚不能行也音義

楚音務衆經音義卷二十四云今江南謂屈邪立
爲長趨趨與跪同玉篇東郡謂跪曰跟跟楚拜也
謂跪曰跟又楚云長跪又拜也說文跪拜也段氏
玉裁曰拜首至手也跪與拜二事不當一之疑拜
上脫所以二字釋名跪危也兩鄰隱地體危陞也
注東郡亦呼長跪爲跟楚者說文跪長跪也段氏
又云係於拜曰跪不係於拜曰跪范雎傳四言秦
王跪而後乃云秦王再拜是也長跪乃古語長俗
作跟人安坐則形弛敬則小跪聳體若加長焉故
曰長跪釋名跪忌也見所敬忌不敢自安也廣雅
陞危立也卷十三云陞陞也說卦傳參天兩地而
倚數虞翻注倚立也陞與倚聲相近故倚陞並訓
爲立也說文企舉踵也古文作企衛風河廣篇跂
予望之企跂並與企同委痿猶病痿也委通作痿
亦作萎說文痿病也檀弓云哲人其萎鄭注萎病
也草木枯死義亦同也說文痿痺病也痺音萎枯
溼病也漢書哀帝紀卽位痿痺蘇林曰痿音萎枯
之萎如瘠也素問引本病曰大經空虛發爲肌痺傳
亦痺病也

為脈痿呂氏春秋重己篇多陰則歷多陽則痿高誘注痿躄不能行也注脚躄躄說文作躄云人不能行也玉篇跛躄足不能行也素問痿論云急薄著則生文云躄兩足不能行也痿躄王冰注躄謂攣楚足不得伸以行也

瀧涿謂之霑漬

注瀧涿猶瀨滯也

音義

龍音

說

文說

瀧雨瀧瀧也力公切涿流下滴也竹角切周官壺涿氏序官鄭注壺瓦鼓也涿擊之也按壺涿氏云掌除水蟲以炮土之鼓毆之然則鄭訓涿為擊之者蓋謂擊瓦鼓之聲如滴涿之涿故曰壺涿也涿字亦作沔崔寔四民月令曰上火不落大滴涿廣雅確沔礎也曹憲的託兩音廣韻礎落也確與滴同玉篇沔他各切落也礎也與序官注訓涿為擊正合連言之則曰瀧涿廣雅瀧涿漬也聲轉而為瀧凍廣韻集韻並云瀧凍沾漬也又轉而為瀧瀧論衡自紀曰筆瀧瀧而雨集言瀧瀧而泉出倒言之則曰東瀧荀子議兵篇案角鹿埤隴種東瀧而退耳楊倞注云東瀧與凍瀧同音

龍並與瀧澤同說文霑爾雲也衆經音義卷二引
三蒼云霑漬也玉篇引作沾沾與霑古通字說文
漬漚也衆經音義卷十四引通俗文云水浸曰漬
合言之則曰霑漬廣韻漚漚霑漬也注漚漚猶漚
滯者段氏玉裁曰滯當作漚漚滯倉
云漚漚漚也通俗文云霑漚謂之漚漚

希鏤摩也燕齊摩鋁謂之希

音義

慮鋁音

義疏

摩通作

希鏤磨也楚辭九思云塵莫莫今未晞王逸注云
晞消也晞與希通消亦磨也周語曰衆口鏤金史
記鄒陽傳索隱引賈逵注鏤消也楚辭招魂十日
代出流金鏤石些王逸注鏤消也馬融長笛賦或
鏤金礪石李善注鏤與礪同考工記總目礪金以
爲刃釋文云礪本作鏤說文鏤錯銅鐵也玉篇鏤
與鋁同廣雅云鋁謂之錯又云鏤磨也大雅抑篇
白圭之玷尚可磨也鄭箋云玉之缺尚可磨鏤而
平太元大次二云大其慮躬自鏤鄭
衆注考工記云摩銅之器銅亦同鋁

平均賦也燕之北鄙東齊北郊凡相賦斂謂之平均

說文

司農少府國之淵遠取財平均賦也急就篇云

注云價有貴賤又當有轉送費用不欲勞擾故立

平準平均輸之官史記平準書云桑宏羊以諸官各

自市相與爭物故騰躍而天下賦輸或不償其僦

費乃請置大農部丞數十人分部主郡國各往往

縣置均輸鹽鐵官分遠方各以其物貴時商賈所

轉販者為賦而相灌輸置平準於京師都受天下

委輸大農之諸官盡籠天下之貨物貴則賣之賤

則買之如此富商大賈無所牟大利則反本而萬

物不得騰踊故抑天下物名

平準平均之立名是其義矣

羅

謂之離離謂之羅

注

皆行列物也

魂軒涼既低步騎羅些王逸注羅列也又九歌云

秋蘭兮麋蕪羅生兮堂下注云言衆香之草環其

堂下羅列而生離與羅一聲之轉昭元年左氏傳

楚公子圍設服離衛杜預注云設君服二人執戈

陳也亦陳列也

陳也亦陳列也

方

方言箋疏

卷七

七

紅編山房校本

釗超遠也燕之北郊曰釗東齊曰超

音義

釗上音

義疏

廣雅釗遠也玉篇廣韻並同前卷一釗勉也音居
遠反釋詁釗劬勉也釗與劬聲近義同釗之義為
勉亦為遠也應劭字仲遠是其證說文劬高也高
與遠義相近劬訓為高猶釗訓為遠矣廣雅超遠
也祭法云遠廟為祧鄭注云祧之言超也道德經
重德章云雖有榮觀燕處超然河上公注云超然
遠避而不處也楚辭九歌云平原忽兮路
超遠顏延年秋詩超遙行人遠皆是也

漢漫賑眩漣也朝鮮洌水之間煩漣謂之漢漫顛眴

謂之賑眩

音義

賑音瞋眩音縣

義疏

說文漣煩也問喪篇悲哀志漣氣盛

史記倉公傳故煩漣食不下廣雅漢漫漣也漣曹
憲音亡本反又音滿衆經音義卷十二引方言漢
漫作謾漫形近之譌莊子則陽篇云顛冥乎富貴
之地釋文引司馬彪注云顛冥猶迷惑也顛冥與
賑眩同玉篇
賑眩漣也

憐職愛也言相愛憐者吳越之間謂之憐職

職事也相愛憐謂之憐職言以愛憐為事猶孟子述職穆天子傳執職耳

茹食也吳越之間凡貪飲食者謂之茹

音義茹音義疏廣雅茹食也曹憲無

諸三切此音勝如未詳疑有誤王氏懷祖曰大雅

蒸民篇云柔則茹之剛則吐之是食謂之茹也禮

運云飲其血茹其毛孟子盡心篇云飲糗茹草是

食粗食謂之茹也粗與疏義相近食粗者謂之茹

故食菜亦謂之茹食菜謂之茹故所食之菜亦謂

之茹莊子人間世篇云不如葷漢書董仲舒傳云

食於舍而茹葵是食菜謂之茹也食貨志云菜茹

有畦七發云秋黃之蘇白露之茹是所食之菜亦

謂之茹也按食謂之茹故嚼亦謂之茹廣雅釋言

唯茹也唯與嚼同貪飲食者謂之茹故貪亦謂之

茹廣雅又云茹貪也曹憲音如與反注

粗字舊本作龕亦作麤今從李文授本

方言義疏

卷七

五

紅蠟山房校本

均貌治也

注

謂治作也吳越飾貌為均或謂之巧

注

語楚聲轉耳

音義

均格

變疏

說文均匠也讀若齠

匠治也廣雅均貌治也淮南人間訓云室始成均然善也說文均兒頌儀也籀文作貌廣雅又云貌均巧也說文均技也義並相通也後漢桓帝元嘉中京師婦女作齠齒笑又梁冀傳冀妻孫壽色美而善為妖態作折腰步齠齒笑按齠與均通齠齒笑謂巧笑也巧或謂之均故巧笑謂之均齒笑李賢注引風俗通曰齠齒笑者若齒痛不忻忻但舉情狀言之未解立名之義也巧謂之均思亦謂之均廣雅均愁愚也曹憲音苦候反楚辭九辯云直均愁以自苦說文均愁也又敦督也荀子非十二子篇云世俗之溝猶督儒灌灌然不知其所非也儒效篇云愚陋溝督漢書五行志云不敬而溝督之所致也字異義並與均同皆均相反之義也

煦煨熱也乾也

注

熱則乾燥吳越曰煦煨

音義

煦州

呼夏

煇

玉篇煦熱也說文煦烝也煦日溫也煇切

也釋名熱熱也如大所燒熱也熱與熱聲義並相近玉篇乾燥也說卦傳離為乾卦虞翻注火日煇燥物故為乾卦

攝脅賀勝儋也

注

今江東呼擔兩頭有物為勝齊楚

陳宋之間曰攝

注

莊子曰攝糧而赴之燕之外郊

越之垂甌吳之外鄙謂之脅

注

擔者用脅力因名

云南楚或謂之攝自關而西隴冀以往謂之賀

注

今江東語亦然凡以驢馬駝駝載物者謂之負佗

亦謂之賀

音義

攝音盈勝音鄧佗音大○今作馱字

說文

說文脩何也釋名擔

任所任力所勝也古擔荷字多作脩與擔同廣雅攝旅何擔擔也又釋言攝負也賈誼過秦論贏糧

方言箋疏

卷七

夫

而景從李善注引方言贏擔也後漢書鄧禹傳鄧公贏糧徒步李賢注引方言贏擔也後漢書鄧禹傳鄧又儒林傳論曰贏糧動有千百注云贏擔負也莊子肱隨篇贏糧而趨之釋文引方言贏作贏贏並與攬同前卷六云膂力也宋魯曰膂衆經音義卷十三引方言膂作旅小雅北山篇旅力方剛大雅桑柔篇靡有旅力秦誓云番番良士旅力既愆周語四軍之帥旅力方剛旅與膂同賀通作荷亦作何小爾雅荷擔也昭七年左氏傳云其子弗克負荷杜預注同釋文云本亦作何說文何擔也商頌元鳥篇百祿是何毛傳何任也鄭箋云何負也曹風侯人篇何戈與祲毛傳何揭也衆經音義卷三引廣雅揭擔也賀荷何字異聲義並同說文觶囊也後漢書儒林傳云小通制爲膝囊李賢注膝亦膝也音徒恆反前卷二膝雙也南楚江淮之間或曰膝音膝字亦作膂廣雅膂二也是兩頭擔物之義也膂捧膝膝膂字異聲義並同說文云驢似馬長耳玉篇同音力余切又驢驢驢有肉鞞也行百里負千斤而知水行又駝駝駝亦作馳同漢書西域傳鄴善國多有驢馬多橐它北山經號山其

獸多橐駝郭注云有肉鞍善行流沙中日行三百里其負千斤知水泉所在也又繞山其獸多橐駝爾雅釋文引字林云駝似鹿而大肉峯出繞山揚子長楊賦駝橐駝路駝橐駝並同玉篇獸馬負貌駝與佗同漢書趙充國傳以一馬自佗負三十日食顏師古注云凡以畜產載負物者皆為佗負佗與擔同用肩背故亦謂之資

樹植立也燕之外郊朝鮮洌水之間凡言置立者謂

之樹植

箋疏

僖三年公羊傳無易樹子成二年左氏傳樹德而濟同欲馬何休杜預注

並云樹立也周頌有瞽篇崇牙樹羽毛傳云樹羽置羽也廣雅豎殖置立也衆經音義卷二十二卷二十二卷也魏志鍾繇傳王朗議云此即起僵為豎化屍為人矣豎與樹通金縢植璧秉圭鄭注云植古置字商頌那篇置我鞶鼓鄭箋置置讀為植論語微子篇植其杖而芸熹平石經作置說文植或作權植置古同聲連言之則曰樹植後卷十二時植立也晏

方言箋疏

卷七

七

紅蠟山房校本

子春秋諫篇云民盡得種蒔說苑雜物篇作樹是蒔植與樹植同

過度謂之涉濟

注

猶今云濟度

箋疏

廣雅過涉渡也又云渡過也渡

與度通本亦作渡說文涉徒行厲水也衛風載馳篇大夫跋涉毛傳水行曰涉釋水云由膝以上為涉又釋言濟渡也疏引方言作度檀弓云濟於河鄭注濟渡也按過度亦謂之絕呂氏春秋異用篇云丈人度之絕江高誘注云絕過也以相反為義也

福祿謂之祓戠

音義

祓戠廢

箋疏

說文福祐也祿福也釋詁祿戠祿福

也是祓戠猶福祿也郭注引大雅卷阿篇祓祿爾康矣今詩作弗鄭箋云弗之言祓也祓除其無子之疾而得其福也周語云故祓除其心以和萬民韋曜注祓猶拂也並字異義同小雅天保篇俾爾戠戠穀毛傳戠福也皆連言之義亦同也

僚貽逗也

注

逗即今住字也南楚謂之僚西秦謂之

胎注胎謂住視也西秦酒泉燉煌張掖是也逗其

通語也音義係音祭胎敕吏反義疏廣雅係胎逗

恥利二反墨子非攻下篇云糧食不繼係食飲之時按係食飲之時猶言逗以待食飲也楚辭離騷

云怵鬱邑余佗係今王逸注佗係失志貌也佗猶

堂堂立貌也係住也楚人名住曰係又九章云欲

直視也九章又云思美人兮擘涕而眄胎劉逵注

吳都賦云佗胎立視也今市聚人謂之立胎說文

怡癡貌漢書司馬相如傳沛艾赴蟪怡以怡癡今

張揖注云怡癡不前也玉篇廣韻胎怡並音丑史

切義亦相近莊子山木篇云侗乎其無識儻乎其

怠疑怠疑與怡儺義亦相近注逗即今住字者說

文逗止也史記韓長孺傳廷尉當恢逗撓當斬集

解引應劭漢書注逗曲行避敵也索隱引如淳曰

軍法行而逗留畏撓者要斬服虔云逗音企後漢

書光武紀不拘以逗留法李賢注逗古住字是住

與逗同西秦酒泉燉煌張掖是也者皆故匈奴昆

邪王地漢書地理志酒泉郡武帝元狩二年開縣
九晉志同統縣九今甘肅肅州是其地燉煌郡武
帝元鼎六年分酒泉置縣六晉志同統縣十二今
安西州是其地張掖郡武帝元鼎六年分武威置
縣十晉志同統縣三
今甘州府是其地

輶軒使者

釋別國方言箋疏卷第七終